

四川

郡國利病書

卷六十一至七十一



郡國利病書卷六十八

上川南道

建昌道開府建昌衛轄行都司三員一署篆

屯局近改屯局為遊擊將軍守備二員一駐

駐州雅所近又增設會鹽守備一員領衛六曰

昌前衛同一治曰會川曰會井曰越篤曰寧番自為治

建昌衛

本漢邛都國地漢武元封六年以廣漢之西部蜀郡之南
部為越篤郡即此水經注曰篤山自篤水言越此水以
章休盛也王莽改為集篤矣篤水即繩若水似隨水



郡國和病書 卷六十一
地而更名郡領邛都蘇示闡臺登會無大笮笮三絳
卑水安上馬湖十一縣或治邛都或治會無遷徒不常
十道志云魏晉以還蛮獠恃險鈔竊乍服乍叛至齊復
來納款因為雋越獠郡以統之按總志作獠郡即獠也
是蜀音之訛獠種每三年一櫛髮其日宰牛羊以祭天
及祖又始加梳世俗獠頭之說本此

寰宇記後周武帝征越雋開地立嚴州取其嚴敬為稱
隋開皇四改年為西州又改為雋州唐武德初雋州
嶺越雋攻部可天蘇祁臺登五縣二年又置昆明縣三
年置總管司府貞觀二年割雅州陽山漢源二縣來屬八

年又置和集縣天寶元年改越雋郡依舊都督府乾元
元年復為雋州至德後沒入蕃貞元十二年復太和中
徙治臺登縣按漢臺登在今治北百里外隋臺登在大
渡河北未詳孰是總志唐懿宗時郡為蒙詔所據改曰
建昌府以烏白二蠻寔之元至元間置建昌路又立羅
羅斯宣慰司以統之明初洪武間克元將月魯帖木兒
賈哈喇曰罷宣慰司置建昌衛改建昌路為府旋廢改
衛為軍民指揮使司編戶道計六十七里其形勝金
沙江畫前大渡河界後牛欄江鎮左打冲河禦右其幅
員東西廣五百五十里南北袤九百二十里東至烏蒙

府界五百里西至常郎堡生吐蕃界五十里南至雲南武定府界七百八十里北至寧番衛百九十里至越嵩衛二百八十里至鹽井衛三百里至會川衛五百里至省城千四百八十里

九州要記云嵩之西有文夷人身青而有文如龍鱗於臂脛之間將婚會于路歌謠相感合以為夫婦焉又有穿鼻僮耳種瘴氣有殺着人、死着床木折號曰鬼巢也有濮夷在郡界千里常居木上作屋有尾長二寸若損尾立死若斂地上居則預穿穴以安尾亦名尾濮有木耳夷死積薪燒之烟正則大殺牛羊相賀以作樂若

遇風烟旁散乃大悲哭

本志云東門十部蠻郡居竹籬板舍不事修飾荆木為信裙不過脛或時乘馬則併坐橫足酋長死無子則妻女繼之俗尚火葬而樂送以鼓吹為送終有疾者不用醫藥召女巫巫以鷄骨卜事無巨細皆決之巫善製堅盾利刃又能作弩置毒其末沾血則立斃矣

上南志云建昌城外二河曰懷遠曰寧遠俱流入瀘水以合金沙江瀘水在治南十里外有廣福寺舊瀘山寺也元史云其水深廣而多瘴鮮有人行春夏常熱可燻雞豚然諸葛武侯渡處尚在下流與會川衛相近志云

海子在城東十五里人多游汎其中又東南十五里曰螺髻山以形似名東百三十里曰涼山郡峰競爽四時皆寒近松坪膩乃之界

按漢置越雋郡所領縣十一曰邛都曰闐今越雋及邛都長官司是曰定竿今之益井曰會無今之會川曰蘇示今之礼州曰大竿今之黎州曰馬湖今之馬湖府曰臺登解已前見曰三絳今屬雲南惟安上縣有水路諸葛武侯由之入越雋者別將高定元自卑水多為壘守焉孟康註卑水曰班水華陽國志以為或去郡三百里或云郡八百里俱晉時者有名而已是在已失攷矣志

又云治南一百八十步有德昌舊府三十里有武侯故城東一里有永定舊州二里有孟獲城東三百里有元時北社縣國初改為碧社東四百里有元時中縣其先曰中州也

土夷考云元時正間置建昌路以其地為建安州隸雲南行中書省洪武四年鎮國上將軍羅○斯宣慰使安普卜之孫配率衆歸附遂命以招安旁夷有功招昭勇將軍子孫世襲尋改授土指揮使帶銜建衛昌不給符印置院於城東郭外里許使居之所屬有四十八馬站火頭吐蕃焚人子伯夷摩些格獯裸羅韃韃回紇諸夷

種散居山谷間北至大渡南及金沙東抵烏蒙西訖益
井延袤殆千里餘昌晉濟威龍三州長官司隸之有把
事四人世轄其衆皆節制於閩衛諸帥西夷火酋北殆
為稱首云配六世孫安忠無後妻鳳氏管事鳳氏死族
人安登繼聚復無子妻瞿氏管事以族人世隆嗣世隆
復無子繼妻祿氏管事近日祿氏死以族侄安崇業嗣
所轄有四驛曰祿馬阿用白水瀘沽各以百里為差併
涼山拖郎桐槽焚水等夷亦皆以強弱為向背矣 按
祿氏與崇業不相能者數十載又養那故為假子其惡
奴祿祈從吏之甚力歲相讐殺無寧字予以庚戌署司

事移會談道悉心調停稍就約束因看得夫亡娶繼固
諸夷家風也然亦有說焉藉令祿氏者黨逆奴養假子
而謀繼安氏禍之不悔日相尋於干戈其誰能許之今
那故殺矣祿祈逐矣安崇業嗣定矣是於復仇之義得
而姑侄子母之分明也如此即順夷探之情奉鉗束之
誠其於理法亦未嘗廢也崇業父子承宗祧以他日修
職業於茲時如山之固豈俟河之清乎時崇業管土採
捕聽繼不久即直長官司矣

礼州千戶所二曰後曰中在衛北六十里漢之蘇示縣
也顏師古曰示讀如祗後漢書永平中越嵩太守巴郡

張翕政化清平得夷人和在郡十七年卒夷人愛慕如喪父母蘇祈叟二百餘人齋牛羊送喪至翕本縣安漢起墳祭祀即此夷也華陽國志漢末蘇示縣夷王及弟隗渠數背叛安南將軍馬忠誘殺之周地圖經云武帝天和三年開越駕立蘇祁縣於縣置毫善郡志謂隋名蘇祇唐名蘇祈皆一義也唐末吐蕃烏白蠻迭據其地號龍磨城元置礼州今為二所因其名

應劭注漢書云蘇示縣西北有尼池按今曲池是也師古曰夷尼池古夷字寰宇記云尼池名本出山海經未詳

打冲河千戶所在衛西百四十里唐之沙野城元瀘州之地本名黑會江又名納夷江源出吐蕃流合金沙江德昌千戶所在衛南百四十里元置定昌路尋改德昌明於此置所因其名

昌州長官司在衛南二百里宋之阿屈部也至元中置昌州於此德昌路總管府居其中洪武元年盧尼姑歸附貢馬使世襲昌州知州二十七年正月魯帖木兒之亂改長官司遇朝覲之歲其所管夷民木冊附進

普濟州長官司在衛西南二百四十里本圩甸夷也後屬屈部獯魯世居之元置普濟于此明洪武十八年土

官吉撤加歸附賜給印勅授普濟州知州後改為長官司

威龍州長官司衛東南四百一十里夷名巴率有三部至元中併三部置威龍州屬德昌路洪武初土官白氏來貢給授印勅世襲與昌州普濟同惟所認糧差多逋負不及二司如均耳上南志云大渡河入雲南之驛途夷名巴翠部又名沙媧部其首隴荒種也九種志云貉獯之人身體矮小居山野草房男女俱用白布纏頭身穿短衣常帶弓弩捕鼠開種雜糧為生病以牛羊猪胎為藥婚姻酒食類西番喪葬類裸羅獨于燒骸處拔一

草根頓小籃內回家以祖宗云

會川衛

上南志云會川在漢風琶之蠻臺登之墅而越雋郡之會無縣也寰宇記去會川縣本漢邛都縣地唐上元二年移邛都縣於會川鎮城內安置以川原並會故名南詔得之置會川都督府號清寧郡宋時屬大理為會川府元置會川路治武安州隸羅所宣慰司國初復立會川府領武安永昌麻龍等州尋改為會川衛軍民指揮使司領迷易千戶所城週千二百五丈有奇編戶十八里

志云武安舊州在衛南十里永昌舊州在衛西五里即會同府也麻龍舊州在衛東五十里地名棹羅能元時屬閩畔部東南百里外又有舊通安州田姜州田隆州俱元時置

華陽國志會無縣山色青碧故其東南葛砧密勒諸山或產石碌有三色或產石青有四色或產礦銀志云治內寶藏寺落成未曠而密勒山銀場始出曰以寶藏為名又有勝功寺金碧交輝邊隅之望刹也

寰宇記會川縣南有大家諸葛武侯駐師此地士卒多癘疫死設此奠之會無川傍川上有深巖中多仙人

葬莫測其來遠望如總曠其棺內多碧骨如珠華陽國志會無縣路通寧州渡瀘得往狼縣故漢人一也今有濮人家冢不閉戶其穴多有碧珠人不可取之不祥本志云衛城東有玄泉色近黑民賴以灌田常以仲春月祀之

十道記云瀘水出蕃中入黔府歷邵界出拓州至此有瀘洋關上有石岸高三千丈四時多瘴氣四五月間發人衝之死故武侯以夏渡為難水浚急而多巉石土人以牛皮為船方涉津溪水注注云瀘峯最為高秀孤高二千餘丈是山於晉大康中崩震動郡邑水之左右

馬步之徑裁通四時有瘴氣又云晉明帝太寧二年李
驤等侵越巂攻臺登縣寧州刺使王遜遣將軍姚岳擊
之戰于堂琅驤軍大敗岳追之至瀘水越水死者千餘
人遜以岳等不窮追怒甚髮上衝冠恰裂而卒矣
志云會川南八十里瀘沽河源出少相公嶺入金沙江
又云西南二百五十里金沙江源出吐蕃東流合瀘水
至黎溪接馬湖江有嵐瘴隆冬人過雖袒裼皆流汗惟
雨中及夜渡無害夾岸皆石江中沙土色黃故曰金一
在武定之南一在姚安之左容齋隨筆云淳化間嘉州
士人辛怡顯使南詔至姚州其節度使趙公每以書來

迎云當境有瀘水諸葛武侯戒曰非貢獻征伐不得渡
此水若必欲過須致祭然後登舟今遣本部軍將賞金
龍二條金錢三十文並設酒脯請先祭享而後渡焉

華陽國志三縫縣一名小會無昔三播通道寧州渡瀘
得蜻蛉縣有長谷古時坪中有石豬子母數千頭老長
傳言夷昔收豬于此一朝豬化為石迄今夷人不敢收
於此水經注曰蜻蛉水又東注于繩水繩水又逕三縫
縣西又逕姑復縣北對三縫縣淹水注之三縫小會無
也故經曰淹至會無注若水之逕會無縣之有駿馬河
水出縣東高山之有天馬徑厥跡存焉民家馬牧之山

下或產駿駒言是天馬子河中有貝子胎銅以羊祠之則可取也按後漢書安帝紀曰永初六年詔越雋郡置長利高望始昌三苑皆馬苑矣又令益州郡置萬歲苑犍為郡置漢平苑云

迷易千戶所在衛西北八十里元置明初為會川千戶所洪武十五年改今名

衛志云南六十里有迷即閑即寰宇記之迷水鎮也有滇池方三百里源深濶下流淺狹有似倒流故名滇池矣

土夷攷曰迷易土官賢姓也初雲南景東府焚夷頭目

阿駭徒其族來住種洪武十六年歸附以隨征東川芒部二府劾勞授世襲副千戶諱所印信以武弁推選今土官賢氏居城外專理巡捕管束八百戶焚夷而已

土夷考云會川衛東南十里為石婁堡又四十里為虎街堡四十里為姜州堡會蓋守備司駐劄其中衛西南三十里為箐山口又八十里為火燒腰驛去驛五里為五里坡又十五里為容郎閑路通紅卜苴夷寨五十里為七墩堡路通黎溪州夷寨按志黎溪田州在衛南一百五十里唐時南詔閣羅鳳徒白蛮戍此即白夷也城後為羅、蛮所據宋屬大理元始置州九種志云白夷

人頭裹黑帕戴笋籜尖帽以備田為生婦女養蠶收絲織作亦巧謂之白夷錦無論貴賤人有教妻妾奉夫甚嚴婦女不妬忌夫宿妻房妻事之如婢飲食九草木無毒者六畜外鼠蛇蛙蠅及飛生虫皆淪食之諺云青青白夷菜動白夷肉婚姻男家先用碗水洗女足謂之水授婦戰陣所獲謂之王旗婦初生小兒即抱於河中洗之男女日浴于河中居多近水束裝日如遠行故遷徙無定焉死有棺槨葬埋名墳曰罷休又有一種撲斫夜變為鬼盜人財物及掘新墳尸呪使變魚形市之志云黎溪驛北有荷花池盛夏香來可以辟瘴為夷方

勝處驛去七墩十五里又八十里為塔兒塔度巡檢司又四十里為松坪關近滇境上金沙江去松坪關可三十里云

鹽井衛

治在建昌西三百里城週六百五十丈編戶二十六古定筰縣也華陽國志云筰筰夷也南中曰昆明越雋曰筰皆一種也縣志越雋郡西渡瀘水賓剛徼曰度沙夷志謂麼歹人病則刺肉取血有誓則擊石或撻狗也寰宇記云昆明縣本漢定筰縣也唐武德二年於此置昆明縣蓋以南接昆明夷為名天寶中又置昆明軍以

鎮撫之通志云唐末南詔得嵩以昆明縣為香城郡宋時為賀頭甸部屬大理國元至元中於墨白鹽井置閔鹽縣又於此置栢興府隸羅、斯宣慰司國初改栢興千戶所旋改今衛又于二井置鹽課司、在治東華陽國志定笮有鹽池積薪以齊水灌而後焚之成鹽漢末夷皆錮之張嶷為太守往爭夷帥岑繁本明不肯服嶷擒捷殺之後賞賜餘類皆安官迄有之寰宇記云定笮民取井水先積薪以火燒過以水澆灰即成黑鹽煉之縣又有鉄石山、有砮石火燒之成鐵為劔戟極剛利此在衛西北七十里矣

志云衛南十里栢林山、多松栢其綠參天栢府興之名取此西三十里有斛焚和山產金為利實揭勤蛩所居隋唐之世于此置金州焉

土夷攷云鹽井之沙坪驛在瀘河西去建昌僅四十里又十五里為紙房壁堡十里為瀘州堡元瀘州始所也河東之高山堡路通馬者馬羅諸夷去高山二十里為沙坪堡通麻糾七寸牙礦諸夷又十里為德力堡通祿馬祿曾諸夷又十里為河口驛即打冲河也去驛三里河東為中所前河西為中左所

山南志曰衛東北百八十里打冲河索橋兩山壁立水

勢汹涌狼牙相距舟楫不通橋兩崖用大石堆砌樹洞門二坐每洞樹將軍柱一百八根洞門外立井口大柱四根上穿篾纜十八條擊于將軍柱上纜上鋪板三十六道兩旁用小纜掛擊如槽橫四十二丈邊陲之天險也莊安世渡瀘初畧曰益井城池頽壞已久軍民逃散日甚一日今高山菁口之墟人跡足然衙驛倉庫鞠為荒草推原其故蓋由索橋之險難通糧運不及是以皆轉徙而之河西矣迄今聚為室家享成世業計屯田千二分百一十八分有奇而城附之屯田所出不過豆麥而已瀘州一帶駝運入益井必經索橋約路二百八十餘

又夷人阿遮與切兒卜構禍以來仇殺無虛日不為淵歐魚耶

土夷攷云去打冲河二十里為梅子堡通祿馬祿曾諸寨又十里為祿馬堡十里為紹興堡又五里為平川驛五里為杭州堡又十里為雙橋堡十里為土功堡又十里為馬蝗堡十里為新添堡又十里為鴛鴦堡十里為凉山堡又十里為高山堡十里為菁口堡又十里則衛治也內有鹽井驛自衛至雲南永寧府界七百八十里麗江府界五百里

馬刺長官司在衛南三百里元之落蘭部也其村落多

白夷居之蓋井志云白夷之近漢者能知天變過日月
食少長男女爭擊箕杵盆勺成教仰天拜慰婚姻潑水
為媒証產子三日則浴之河死用塊葬名罷休老人婦
人穿無摺捅裙謂脂粉為解老又能種綿養蚕以織染
為五色絲絨提机作花每段寬尺餘長二丈一尺粗者
為綿細者為絳

土夷攷曰馬刺又名瓦刺土官姓阿氏明初歸附授職
世官舊部落仍俾統管賦本衛秋糧百二十石其地接
壤雲南北勝州稱寬饒庶富人亦優馴

打冲河宗禦千戶所明初立中左一所今分為五在衛

北百六十里唐為沙野城今沙平通運所其舊趾也元
為建昌府瀘州之地左所土千戶姓刺洪武二十五
年征月魯帖木兒賈哈刺土人刺他効順來歸其子刺
馬非復貢馬越京授本所副千戶永樂十一年陞征以
別于四所地與麗江永寧為二府為隣麗江上官木氏
每來侵之土地夷民失其半右所土千戶姓八先年
與各所同進馬後議留馬協濟驛逃免貢中所以土千
戶姓刺前所土千戶姓阿後所土千戶姓卜已上
五所俱土着人以國初歸附授官貢馬事例皆同俱與
麗江接壤為所蚕食不克自振惟日事強免害而已

越雋衛邛都長官司附

志云漢邛都及闡二縣地也邛都即當衛始闡縣即邛
部長官治在建昌北二百八十里石城週二百九十大
不及四里治北半舍外有舊城寰宇記云所謂奴諾城
諸葛武侯征蠻所築憇軍之所以奴諾川為名矣其
界東至馬湖沐川司南至寧番小相公嶺至西喇八關
外北至大渡河南岸高山峻嶺居十九地土瘠薄不產
五穀惟畜養牛馬射獵以供饗殮唐詩云邛都于諸蠻
中最驕悍狡譎招集番漢亡命侵攘他種開其道以專
利曰大雲南蠻曰小雲南蠻續博物志云蜀蠻邛部川

都王蒙倮死氣未絕其妻子以錦數疋相續擊死者曳
之于地置十數里外高山上令氣絕乃復以錦被裹而
埋之會其族哭焉名作鬼親守近州蠻人說其事

後漢書西南夷傳自滇以北若長十數邛都最大武帝
初置邛都縣無几而地陷為汙澤曰名為邛池南人以
為邛河註云邛池在越雋縣東南寰宇記云隋開皇六
年置越雋縣于此屬西寧州後改屬為雋州

李膺益州記云邛都縣下有一老姥家貧孤獨每食輒
有戴角小蛇在牀間姥憐而餽之後稍長至丈餘令有
駿馬為蛇吸殺曰責姥出蛇姥云在牀下令即掘地深

無所見益遷怒殺姥蛇乃感人以靈言令何殺我母當為報讐此後每夜輒聞雷風四十許日百姓相見感驚語汝頭那忽戴魚是夜方四十里与城一時俱陷為湖土人為之陷河惟姥宅無恙迄今猶存漁人採捕必依止宿每有風浪輒居宅側恬靜無佗風靜水清猶見城郭樓櫓宛然按明嘉靖十五年二月二十八日丑時建昌寧番二衛地震如雷吼者教陣司及二衛公署内外民居城垣一時皆塌壓死都指揮一人指揮二人千夫長四人百夫長一人所鎮撫一人吏三人士夫一人太學生一人土官土婦各一人軍民夷獠不計水湧地裂

陷下四五尺衛城外城內若浮塊而已震至次月初六猶不休陷河之說殆是寔然

衛南有羅、河東流与大渡河合衛北魚洞河源出吐蕃又流与羅、河合按南中八部志邛都縣東南數里有河縱廣二百里深百餘丈河中魚長一二丈頭特大遙視之如戴鐵釜即漁洞河也或云即是陷河

志又云南十五里金馬山文昌帝君降生地有祠焉即化書所稱誕于越鷲之間矣南四十里小相公嶺石磴崎嶇自麓至頂十五里武侯所開也志又云西五十餘里大雪山四時積雪與小相公嶺接夷名阿露山北三

十里石崗洞中可容十餘人南北崖傍有石版扣之聲
鏗然謂之瓊鐘

寰宇記云邛部縣本漢闡縣漢書闡作闡師古註音蘭
周武帝天和三年置邛部郡于此隋開皇三年罷郡改
為縣仍帶邛部鎮

唐書至德初南詔陷嵩州勿鄧兩林蠻遂羈屬吐蕃貞
元中復納款以勿鄧鬼主苴蒿兼邛部團練使封長川
郡公而兩林都大鬼主苴那時遺韋舉書乞兵攻吐蕃
臯遣將劉朝彩等持兵應之大破吐蕃于北谷詔封苴
那時為順政郡王苴夢衝為懷化郡王已而夢衝復附

吐蕃臯召至琵琶川斬之至宋開寶初邛部都鬼王阿
伏常遣子入貢通志云元初置邛部按撫招討司已改
邛部州明初嶺真伯婦附尚稱招討使於是以為邛部
軍民州永樂中改長官司使嶺氏世守之屬越嵩衛
土夷攷云萬曆初年土官嶺柏死孽子應昇負印去栢
庶沙氏爭之不得逆酋阿堆等擁沙氏焚利濟站廬舍
擁兵臨城總戒劉顯詣彼勸處沙氏悔禍殺阿堆等自
贖顯遂以印歸之後沙氏淫于族人阿祭負印去祭死
其子嶺鳳起嗾他番刺殺應昇當事者曰平蠻之師誘
鳳起繫之收其印而誅行刺者百餘人印無所歸緘而

置之庫中所部夷無統肆行為盜乙酉丙戌間黑骨夷阿弓等手刃送肖官于小相公嶺剽其腸而普雄酋姑咱等乘勢蜂起郵傳告絕遠近震恐歲丁亥動大兵斬馘千數道路始通鳳起旋亦病亡其東近峨眉者數百家相率歸附曰置平夷歸化二堡以居焉詳見峨眉三枝瓜下他部落乃奉應昇妻李氏為主歲時起居不絕而捍羅鐵口普雄三村最鴛鴦苟駕馭得宜亦足藉其死力以捍野外生蕃也

土夷攷云又大渡河南岸為臨河堡与河北羊肆崖漢水口相對堡之上通大小冲山及海腦壩焚夷村舊焚

人聚落也九種志云焚人重儒敬佛居傍城郭與漢人無異相見之礼唯長跪不拜亦有讀書入學者臨河堡之下通鬼皮羅黑麻溪片馬廠諸夷山徑峻絕通望山在其處寰宇記黎州通望軍在大渡河南三十里唐至德元年在通望山下山自河南與朝陽衆山相連入嵩州界過臨河十里為鎮蠻堡又名大樹堡在兩山峽口北臨大渡河與河北羊腦山相望為大小冲番往來之所五里為火燒營五里為李子坪七里至晒經關志云關在越嵩衛東三百里高嶺上關傍廣石即三藏法師晒經處未詳又十里至白為堡為捍羅鐵石諸番市易

度十里至河南驛八里至八里堡路通草八拍橋普馬
等寨又十里即平夷堡也在高山峽內路通笋坑紅水
黑麻等寨十二里至古隘堡路通那歷洗馬姑乃易集
戶水入拍等寨其南隘廣不盈丈兩岸壁立千仞峽內
水淙、奔流即韋皋所置清溪關也詳見黎州唐琉璃
伏羲云城俱在其處二十里至平壩堡輜軒于此設食
馬有古隘口路通泥水二十戶等寨与媛夕諸夷相近
又十里至鎮遠堡東連媛夕椒園燕子窩諸夷西通洗
馬姑赤利草必落等寨又十里為鎮夷堡在高山稍平
坦又十五里即鎮西十戶所

鎮西所寧越守備駐此城：負高阜南臨深坎西通竹
麻哨阿迷羅等寨東通媛夕瓜羅米頗柯羅回諸夷屹
然一要害去所五里為海棠關又十里為鎮西驛又十
五里為清水堡東通戴羅白石乾溝西低竹麻洗馬姑
等番有兵戍之又二十里為葦葉堡在峽內平地亦于
此飭厨傳焉又十五里為梅子堡路通蠟梅得那補蝦
蟆窩等夷焚劫無虛日二十里為利濟驛十五里為青
岡關：北通梓兒姑青岡南通廣洪魚洞諸寨越雋之
門戶也魚洞者水入魚河矣又十五里通濟堡在雋水
西岸十里為越雋衛：在雋水西廣平之地群山環遠

西通羊圈托烏雪山東通普雄大小赤口馬湖諸夷
部長官司旧設治東屬其提調去衛十五里有龍泉山
寰宇記云要衝城下有龍泉水出龍泉山也下為龍泉
驛又十五里為炒米關在高山峡内關即韋臯所築要
衝城矣有鎮雄堡者去道五里而近路通普雄兩河口
等處又十里為通相堡一名小哨十五里為長老坪在
小相嶺之北西通羊圈托烏東通普雄黑骨頭之諸夷
又十里為相嶺關設在小相嶺絕頂又十里為靖邊
堡在相嶺南通寧番衛界三渡水外生番東通桐槽那
噴沈渣夷過此有新添九盤白石登相四堡共四十五

里以脩行者又十里為雙橋堡十里為裸羅關舊為羅
深窟穴也九種志云羅獠人性最惡刻木為信男子摘
鬚腰擊皮繩名飢飽索以帕裹頭夜不解刀居山頂以
板蓋屋刀耕火種性喜獵凡有事以艾炙羊膀骨占吉
凶出入必兇器男女紐髮盤頭上下身衣土綉花長衣
赤脚無履外披細褶氈衫為上蓋飢食蕎麥餅婚姻以
羊牛為禮酒席鋪松毛于地盤脚坐松上男女分席殺
牛羊剥皮猪用火燒半割碎和蒜菜謂之喫性飲詭晒
酒木碗木杓即其器皿食肉以竹簽為筯喪礼男女俱
無棺槨富家以綿緞纏之故謂之獠郡又謂之羅也

過關五里為灣村又八里為巡哨堡地稍寬平又十里則寧番衛之冕山關矣

寧番衛

元時于邛都之野立府名曰蘇州借蘇示之義以名之也國初土官怕元定從月魯帖木兒為亂于是廢為衛降官為指揮環而居者皆西番種故曰寧番城週凡二千丈在建昌北百九十里東連越嵩界北至西天烏思藏西鄰三渡月落口編戶僅四里有冕山鎮西礼州等四千戶所相鈴東馬渡瀘初畧曰舊額寧番一衛為屯者凡九十有二今無一人存矣行教十里雞犬無殺人

烟絕跡間有一二存者亦刀鋸之子遺耳結草為衣虺羸一骨此其狀何可令人見者

上南志曰衛南五里曰南山、勢屹然子午針也產白銅華陽國志邛都南山出銅即此志又曰衛南三十里西山下響石長七尺濶三尺八寸厚三尺擊之散如雲板志又云東百二十里有溫泉四時皆煖可以療疾華陽國志邛都縣有溫泉穴下流可治疾病餘多惡水、神護之不可污穢及沈乱髮照面則使人被惡疾水經註云昔李驤敗李流于溫水是也

土夷攷云寧番蠻兇獷强悍刀耕火種遷徙無常不以

積藏為事上南志云西番人身長大勇猛占住山頭性甚惡男子髮結成條面多垢積身帶亮器叛惡不常婦女髮亦結編懸帶珊瑚翠石為飾身着短衣蓋衣羊皮食以青稞磨麵作餅酥油煎茶為飯風俗女在父家為非無禁嫁後有犯夫永逐之所生男女亦棄去酒席泡啞酒殺牛羊肉食之病不服藥請番僧誦經殺牛祈禳及死將生前所偏擅喜鵲窠帽弓刀裝斂盛以木桶于山嶺蓋一小房停放封閉永不復觀

土夷攷云夷之錯居衛東南東北者頗馴擾惟西去月落三渡水妙竹等一十九寨恃其險阻常引水外生番

不時入寇自萬曆丁庚建立定番堡募兵戍之稍斂跡不敢出沒九盤白石瀘沽味老君閑等曰稱絕險一夫荷鍤千騎群易具間銅槽鐵廠諸夷尤肆其蜂躉行者股粟焉

冕山橋設千戶所一冕山者山形如冕方山也在所西三里所去衛又百里元蘓州地明正統七年置以屬寧番者

土夷攷云冕山橋去冕山關五里在孫水之澣橋曰漢址而冠以今名焉按史記司馬相如定西南夷橋孫水顏師古曰于孫水上作橋也孫水源出于臺登俗謂之

長河志云衛治東有長河南流會瀘水過建昌衛而入金沙江即孫水也

冕山關堡與建昌犬牙相錯建昌之瀘沽驛去冕山所六里與桐槽姑同處驛屬建昌而供張騎乘則寧番主官職也去桐槽八里為太平關、在孫水上有渡軍守之十里為井鹽哨路通東山鐵廠軍民雜聚冶鑄之所又云建昌之瀘沽關即瀘沽峽兩山壁立峽深百餘丈濶不盈尋孫水流其中涼、有教人行東山嶺上俯視魂搖南北長五里中有觀音巖老君關棧道危峻設瀘沽巡檢司于瀘河東去巡司五里為鎮夷堡過此歷五

十里為平壘松林深溝龍溪平哨之名又十里則建昌衛之禮州城矣城在瀘河東自禮州行四十里歷安寧北哨青山理經四堡又十里至建昌衛、在山麓瀘州驛在城西礪山堡在城南十里瀘水之上祿馬驛在瀘水北去建昌城兩舍自祿馬南行歷巴西鹿角凹

腦者

黃泥什結諸舖至阿用驛凡一百二十里自阿用至白水站八十里中隔半站營金川堡焉自白水三十里至可郎舖係威龍州地夷裸出設之鄉又二十里為公母石志云兩石相隨人或分之明日復合土人呼為公母石猶言翁姥也又五里為甸沙關建會二衛分界處北

界威龍司南近建易所東連普雄法果等夷又二十里
為麼此塘舊麼此夷之壘也上南志云麼此人身長色
黑男子髮紐成索白手巾纏頭身着短衣足穿皮鞋身
垢不洗常帶兜器內着黑大偏氈外披衣甲畜犏牛山
羊以艾炙羊骨占婦女紐髮細編短衣赤脚四披短氈
尚以羊皮青裸蕎麩乳餅酥油煎茶充飢病不服藥殺
猪羊祭鬼求安婚姻以亦牛羊為祀喪葬不用棺槨將
猪取去肚腸帶毛用物塵匾名曰猪豚用綾段布疋裹
屍同用柴燒化取頂骨并手足四肢掛懸崖絕頂上後
三年殺馬延僧番僧作佛事佛盡將骨棄去

志云冷水溝在夷門木木界在甸沙麼步之中時為道
路梗又十里為巴松驛又二十里為分水嶺二十里為
燒鋪又十里為虎頭關十里為虎頭鋪俱威龍夷之區
又十里為周官嘴十里為大龍驛又十里為寒婆營寒
婆營乃樓鎮西所矣此二十餘里有路通麻龍仲村捲
卜法果等夷不時為患

萬曆壬子歲建南吉急正值開料當事者策諸生而予代
為之答曰夫建南者非漢所稱西南夷而唐所稱六詔
之屬者哉至我明來部落散處君長不齊約其几種可
得而言曰一僰人二裸羅三白夷四番西五麼些六路

獯七韃韃八回子九漁人是也而裸羅最淨淨迹時習為邊患矣執事以戰守剝撫机宜下問欲得一當而計安萬全甚盛心也某不敢以臆對語云前事之不忘後事之師也請邈其開閉之曰叛服之狀而後計有以處之者乎粵自洪荒入秦西南夷未嘗與中國通也通西南夷由漢武帝始武帝之遣唐蒙也從笮關入見夜即侯諭以威德約為置吏其意在渡牂柯江出奇以制東越耳治道無戒巴蜀震驚乃用司馬相如諭告之非上意是時邛笮君長聞南夷得賞賜多欲請吏上問相如相如曰邛笮舟馳近蜀易通置為郡縣愈于南夷于是

以邛都為越嵩郡笮都為沈黎郡而除邊益斥矣此開之始也蜀漢建興之歲昭烈崩隕益州郡耆師雍閬等縛太守張裔與吳遣孟獲誘扇諸夷越嵩夷王高定等皆叛應閬諸葛武侯以新遭大喪撫而不討務農積穀閉關息民安食足而后用之及將南征叅軍馬謖曰南中險遠不服久矣雖今日破之明日復反今公方傾國北伐以爭強賊復窺吾勢內虛而叛亦速若殄盡遺類以除後患恐非仁者之情且又不可倉卒也夫用兵之道攻心為上攻城為下心戰為上兵戰為下願公服其心而已武侯乃用其策生擒孟獲使觀營陣之間

獲曰向者不知虛寔故敗今祇知此即易勝耳乃七縱
七擒之獲始拜曰公天威也南人不復反矣侯即其渠
率而用之或以為諫侯曰若留外人則當留兵兵留則
無所食又夷累有廢殺之罪自嫌覺重若留外人終不
能信皆不易也今吾欲使不留兵不糧運而綱紀粗定
夷漢粗安故耳于是悉收其豪傑孟獲等為官屬出其
金銀丹漆耕牛戰馬以給軍國之用終侯之世夷不復
反此撫而剽、而撫之、術也唐開元之歲南詔強大
五詔微弱乃賂王昱求合六詔為一朝廷許之于是以
兵威脅郡蠻連擊破吐蕃橫行邊郡而鮮于仲通有西

瀾河之敗李必有太和城之敗至全軍皆沒令彼築京
觀焉而陷越雋據清溪關駸、及瀘水矣韋臯乃屯重
兵于雋州振西瀘水路是時南詔異牟尋欲誘之先攻
東蛮臯不可雋州賓往來道杆蔽救州虜百計窺故嚴
兵以守之彼東蛮者敢懷貳乎大曆之歲吐蕃南詔合
入寇悉衆二十萬三道而趨曰吾欲取蜀以為東府乃
遣神策將李晟發邠隴范陽兵亦以三道而環救之晟
追擊大破之于大渡河外吐蕃南詔士卒飢寒殞于崖
谷死者不勝計吐蕃悔怒殺誘導使之人而南詔始請
內附矣臯奏宜招納之以離吐蕃之黨復與異牟尋約

築大城于境上置戍相保永同一家出朝廷所賜噐物
笛土歌女命之曰當子、孫、盡忠于唐此守而戰、
而復守之、策也宋太守平蜀之後取地圖觀之乃以
五斧畫大渡河曰与夷為界凡我疆吏固守封圻而已
此閉之、始也元以蒙古為驅除難建昌會同置府邛
部栢與置州若內地然至戒 太祖混一字内神武不
殺其大無外普氏倡之次爭埽順乃兼設夷漢之官并
用文武之道為衛所者九為學校者三為長官司者四
五而關堡驛進蓋不啻綦布而星列矣此復開之、由
也說者曰漢武帝窮邊極遠逞一時之侈心而基後世

無窮之禍患為計失矣然風欲開則有以使之不得不
開者固非其計之失也又曰宋太祖重内輕外不欲以
無益之地而損百姓有恨之財力為計得矣然風氣閉
則有以使之不得不閉者亦非其計之得也說者曰今
之世患無武侯耳使有侯者出七縱七擒天威所懾北
面稽首終身不敢貳然未及十年而夷帥劉胄叛矣至
於延熙則太守張嶷始復平定越巂郡矣安見其兢、
于侯之盟誓約束也又曰今之世患無韋臯李晟耳使
有韋李者出提兵轉戰數千里斬首數萬馘斷吐蕃之
臂而臣服南詔如指掌然、未及數年益州永昌蜀郡

諸夷皆應越蕩叛矣太和咸通之歲則南詔且再入成都矣又安見其喘于昔之救死扶傷也大抵犬羊之性嗜殺而少仁好譎而無信以戰爭為日用以劫掠為耕作其始而請置吏也貪賂耳其有時而乍降服也畏威耳是故或窺中國之虛而叛或恃部落之強焉而叛或拊之曰循也或責之嚴急也而叛或被人誘使之而叛或自己仇殺而叛或見可欲也而叛或修復舊怨而叛曷嘗有數十年耕鑿山谷間嬉以遊與邊陲共保安靜而無事哉我明開國不煩一鏃之矢一介之使與夫鎬銖尺寸之金帛而望風輸誠請為臣妾得報可而

拜一官爵携印授以誇示於族類保可其封疆以比諸漢宋之為開而黷武開而損威或致勞民傷財之怨占夫失地退守之辱者其得其失為何如者國初至今二百五十年所矣在寧番有土酋怕兀他從月魯帖木兒之亂而搃兵徐凱定之在越蕩有土官嶺鳳起及黑骨夷阿弓凹乞之亂而搃兵劉顯定之所聞大征不過此兩者其他畫地而守聚族而居納租稅飭郵傳未嘗輒敢尤而效之夫以將不必忠武南康神策也以戰不必七縱七擒殺獲數萬人衆之也而安堵之日多蠢動之日少以比諸唐蜀之今日服之明日復反長史遭執縛

之慘內地受剝膚之虞者其久其暫又為何如也獨此
數年間漸不馴于漢法而勾引于生蕃或跳梁于冕山
所或嘯聚于鄧家灣或利濟站之圍而解散復合或梅
子堡之役而殺戮相當近者南關之烽火且逼近于大
將軍鎮西之梗塞且垂涎乎大渡河亦可謂猖獗之甚
滋蔓而難圖者矣以故羽書之告急無虛日孤軍之待
援如湯火而煩下執事者憂也生請先言時勢之難易
今昔之不同也而後及于剿撫戰守之機宜可乎何謂
難夫蜀以國事付諸葛出入將相惟其任之調兵調食
如出一手又且積蓄數年民豐用足而后及于師旅今

不能也既當倉卒之時又多掣肘之患矣武侯征之伐
服之用其豪帥出其軍資不啻兵不糧運但使夷漢粗
安專心他伐未嘗再一渡瀘今亦不能也軍民與之錯
處行族出于其途矣何謂易在唐之時六詔合而為一
南詔又與吐蕃合而為一動輒數十萬衆勢若常之山
蛇復散東以擊西我救此則失彼而今無是也南詔隸
于滇中吐蕃隔乎松茂若風馬牛之不相及也李晟之
捷時將邠隴范陽兵五千直自邛崃關追擊之于大渡
河韋臯之捷先斷吐蕃為且借資于異牟尋之兵五千
而今無是也如雲之士卒在前天險之瀘河在後我操

必勝之勢矣是故蜀漢之所易者而我之所難也李唐之所難者而我之所易也其時勢之不同如此以今日論之非戰不能解圍矣非剿不能以誓服矣以他日論之非撫不足為給局矣非守不足為長策矣然剿之與撫可互用也貴曰乎時戰之與守必兼資也貴乘乎勢此固智者能言之耳而剿之首務在動兵曰鷓剿又曰大征多寡大相懸矣其寔有可以相通者何則漢河平之歲西南夷嘗相攻矣遣大中大夫張匡持節往解之不從命乃刺木像漢使立道旁射之杜欽說大將軍王鳳曰蠻夷輕易漢使不憚國威恐議者異矣復守和解

則彼得收獵其象狂犯守尉遠藏濕暑毒草之地雖有孫吳賁育若入水火往必隳沒智勇無所施宜陰勅旁郡守尉練士馬大司農預召穀積要害處選任職太守往以秋涼時入誅其王侯尤不軌者而後可定諸葛武侯之南征也別遣馬忠代牂牁李恢向南中而後渡瀘生擒孟獲是當其時雖無大征鷓剿之說然不練士馬積糧穀相時而入分道而進其功乃可成也蓋非大征則兵食不能厚非鷓剿則智勇無所施愚所謂可相通而用者也而戰之先資在饋餉曰主饋曰客餉彼此易推諉矣其寔為關一不可者何則蜀建興之歲都督張

翼用法嚴激夷帥叛丞相亮以參軍馬忠代翼令還其
人檄召謂翼宜速即罪翼曰吾臨戰場代人未至當運
糧積穀為滅賊之資豈可以黜退之故而廢公家之務
乎于是統揖不懈代到了發忠因其資破賊唐之舊制
歲抄運內泉以贍焉州起嘉眉道陽山江而達渡乃分
餉諸戎常以盛夏之地苦瘴毒輦夫多死後改命轉邛
雅粟以十月為漕始先夏而至以佐陽山之運不涉炎
月遠民乃安是當其時雖無主餉客餉之說然必自寔
于內接濟乎外有灌輸之功而無偏倚之患其成始可
飽也蓋非主餉則恐道絕非客餉則恐中楛愚所謂寔

關一不可者也撫之說益州刺史張喬常用之矣越
嵩夷封離及殺長吏焚掠百姓骸骨委積千里無人喬
遣從事楊竦與戰斬首三萬餘級獲生口千五百人資
財四千餘萬悉以賞將士封離等惶怖詣竦乞降竦厚
加慰納其餘三千六種皆來降附竦因奏長史姦猾侵
犯蠻夷者九十八皆滅死由此觀之非誅渠帥之黠惡
者與吏士之貪殘者不能聽吾撫也守之之道西川節
度使奢德裕嘗用之矣朝廷命德裕修清溪關以斷南
詔入寇之路德裕曰通蠻細路至多不可塞惟重兵鎮
守可保無虞但黎雅以來得萬人精加訓練則蠻不敢

動矣乃請甲人于安定弓人于汧中弩人于浙西器械犀利又率戶二百取一人習戰緩則農急則戰謂之雄邊子弟以制大渡河清溪關之阻且謂旁人建言者盖由禍不在身望人貴一狀由入堂案他日敗事不可令臣當獨國憲朝廷皆從其請德裕乃練士卒葺堡障積糧儲以備邊蜀人粗安其李斯望請移理邛州于是教務不相及南詔渡驩動遂入成都由此觀之非臨河之區為屯田之計不能壯吾守也或曰君子之說則師之不可已矣然兵非難而餉為難目前之餉固難久後之餉尤難若必增兵以守之則不幾歲而增餉乎曰建

南前者無兵也尺籍之士以五萬計不為不多矣一士一田無待取給于外矣今所存者不能十分之一士豈盡失伍哉田豈盡拋荒哉無乃強半寔債師之腹而入豪強之手乎亦無乃所以資寇兵而齎盜糧乎則簡稽而重訓練之胡可以也增募之兵以四千計亦不為少矣游擊材官各以若干隸之矣今用命者不能十分之一豈眾寡不敵乎豈前後牽掣乎無乃貪餌而動失虎豹在山之勢乎亦無乃望風而遁之鷙鳥必擊之威乎是責成而嚴賞罰之胡可以已也此在大渡河以南者言也河北富林至於黎州非所稱笮關沅黎之地乎須

置兩部督尉一治施牛主外羗一治青衣主漢民唐李
贄皇寔屯萬人于雅黎蓋重之矣今僅一游或提兵
不滿五百且控制天會六番地于河以外不暇指顧無
乃太踈乎蓋欲援建昌先問越雋欲援越雋先問黎州
此必然之勢也文武將吏如間司之簽書威茂之驗糧
官皆高坐無事若加以職銜常駐此地練兵理餉造舟
治具与雅黎分兩翼与越雋相表裡有急赴援聲息易
通一二日間羽檄竟達成都矣且二十年前全蜀無民
兵也大征之後各以其州縣之繁簡為召募之相稱歲
約靡餉十數萬矣播之役割而代彼戍者蓋三分之一

今播享太平十餘年可分其半于黎成都之免戍西邊
者移其戍于黎合之可得客兵三千矣而黎雅之地亦自
有軍也自有屯也恐名存而寔亡者亦不下于建南
所以簡稽而訓練之責成而賞罰之者亦當以建南為
例可得主兵數千矣又合而計之則贄皇之萬人其度
幾乎雖然此善後之慮而永遠之圖也若夫目前將士
已渡瀘矣衝鋒陷敵之功非有投石超距之勇者不能
搗巢入穴之險非具游兵間道之奇者不能搃之與其
以少而常敵也不如厚集于河南北之間与其驅市人
而用之也不如預講乎坐作進退之法若夫見可而進

君國和病書 卷之六
相機而動雖呼吸不能喻其神烟雲不能喻其變矣豈
搦三寸管作紙上陳言所能逆料哉

黎州 雅州 峨眉縣 天全

黎州 水經註曰江水自笮道与濛溪分都至臨邛縣
與布僕水合布僕自徼外成都西沈黎郡來按沈黎即
笮道寰宇記云夷人于大水之上置藤為橋謂之笮也

蜀記周赧王三十年誅蜀使綰置守蜀守張若因取笮
及其江南地史記笮都古西南夷自越雋以東北君長
以十數笮都最大秦時嘗為郡縣至漢興而罷自唐蒙
使略通夜郎而邛笮之君請為內臣及漢誅且蘭邛君

并殺笮侯乃置笮都縣註漢書曰旄牛縣歲貢旄牛尾
以為節旄也元鼎六年以為沈黎郡主天漢四年并蜀
為兩部置兩都尉一居旄牛主徼外夷一居青衣主漢人
後漢永平中益州刺史梁國朱輔慷慨有大略宣示
漢德威懷遠夷自汶山以西前代正朔所不加白狼槃
木唐業等百餘國戶百五十餘萬口六百萬以上舉種
奉貢稱臣僕輔上疏曰臣聞詩云彼徂者岐有夷之行
傳云岐道雖僻而人不遠詩人誦咏以為符驗今自狼
王唐叢等募化歸義作詩三章路經邛來夫山零高坂
峭危峻險者百倍岐道襁負老幼若歸慈母遠夷之語辭

意難正草木異種鳥獸殊類有犍為郡掾田恭與之習狎頗曉其言輒令說其風俗譯其辭語令遣從事史李陵與恭護送詣闕并上其樂書昔在聖帝舞四夷之樂令之所上庶備其一帝嘉之事下史官錄其歌焉遠夷樂德歌詩曰大漢是始與天合意吏釋平端不從我來聞風向化所見奇異多賜繒布甘美湮食昌樂肉飛屈申悉備蛮夷貧薄無所報嗣願主長壽子孫昌熾遠夷慕德歌詩曰蛮夷所處日入之部慕義向化歸日出主聖德深恩與人富厚冬無霜雪夏多和雨寒溫時適部人多有涉危歷險不遠萬里去俗歸德心歸慈母遠夷

懷德歌曰荒服之外土地硤确食肉衣皮不見鹽穀吏譯傳風大漢安樂携負歸仁觸冒險狹高山岐峻緣崖磻石水薄發家百宿到洛父子同賜懷抱匹帛傳告種人長願臣僕肅宗初輔坐事免是時郡尉府舍皆有雕飾畫山神海灵奇禽異獸以炫耀之夷人益畏憚焉和帝永元十三年旄牛徼外白粮樓薄蛮夷王唐繒等遠率種人十七萬口歸義内屬詔賜金印紫綬小豪錢帛各有差安帝永初元年蜀郡三襄種夷与徼外汗衍種并兵三千餘人反叛攻蚕陵城殺長吏二年青衣道夷邑長令曰與徼外三種夷二十一萬口賫黃金旄牛旄

舉土內屬安帝增令田爵號為奉通邑君延先二年春旄夷牛叛攻零閔殺長吏益州刺史張喬與西部都尉擊破之于是分置蜀都屬國都尉領四縣如太守桓帝永壽二年蜀郡夷叛殺略吏民延熹二年蜀郡三襄夷寇蚕陵殺長吏四年犍為屬國夷寇郡界益州刺史山昱擊破之斬首千四百級餘皆解散灵帝時以蜀郡蜀國為漢嘉郡

十六年春秋曰李雄有蜀置沉黎漢源二郡周地圖記天和初破羗夷得此土因立黎州及沉黎縣矣寰宇記云隋開皇改黎州為登州煬帝初廢州併其地入臨邛

郡唐置南登州大足元年割漢源飛越二縣皮雋州之陽山縣置黎州神龍三年廢開元三年又置天寶元年改為洪源郡乾元二年渡為黎州領羈縻五十五州禧宗又置永平軍宋復為黎州繼陞平陽軍節度領漢源通望二縣治在漢源通志云元屬吐蕃等處宣尉司明洪武八年省漢源縣改為黎州長官司十一年陞安撫司并置大渡河守禦千戶所隸四川都司屬上川南道

元和初志黎州之地門沐而微牂柯處越雋邛蜀之中樊柔直侯寶堂記云全蜀五十餘州沉黎為襟喉地

以南隣六詔而西接吐蕃也

後漢書作都夷其人披髮左衽言語多好譬類居處略與汶山夷同土出長年神藥仙人山圖所居也蜀郡記曰諸山夷獠子娠七月生、時必臨水兔出便投水中浮則取養沉則棄之按沉黎之名或取此而樂子正以為黑水所經矣按史黎州諸俗尚鬼以主祭者為鬼主其酋長號曰都鬼主

宋郡守余授朱纓堂記蛮商越馭羶裘推髻交錯于闐門中寰宇記番部蛮夷混雜之地元無市肆每漢人與番人傳易不使見錢漢用綢絹茶布番部用紅椒鹽馬

之類

志云國初安撫副使馬苟德築沉黎城今同治也沉黎驛在其北二里而漢唐宋之黎州則理在漢源縣今廢為鎮去司南二十五里

寰宇記云漢源縣漢沉黎縣地宋立郡于此隋仁壽四年置縣以大川之源為名長安四年巡察司使殷祚奏置黎州後刺史宋乾微奏廢入雅州開元三年又置黎州以縣來屬按此即舊黎州也

方輿勝覽云黎城中有漢越雋太守任貴蜀漢姜維趙雲馬忠諸祠又有玉淵、書院宋開禧初知縣薛紱建

志云廢漢源縣東有唐三王墓唐史邛黎間有三蠻王使祠南詔卒葬于此蓋恭化王劉志遠和義王都全信遂寧王楊清遠也北夢瑣言邛黎之間有淺蠻焉世襲王號曰劉王楊王郝王歲支西川衣賜三十金俾偵雲南動靜雲南亦資其覘成都盈虛恒持兩端而求利焉遇元戎下車即率界上酋長詣府庭號曰叅元戎不察自謂風患所致其來叅必潛跡于都押衙以候否可或元戎慰撫稍至垂方即教其紛紜于時帥臣多文儒不欲生事都押衙席其利亦要姑息故蠻夷得以憑陵無忌王建始鎮蜀絕其旧賜斬都押衙山行章以徇邛狹之

南不立一墩不戍一卒十年不敢犯境 年命大將許存征徼外蠻為三王洩漏軍机于是召而斬之時號莫斷邊患屹然矣

輿地記勝云黎州初設茶馬買馬兩務成都則市于文黎珍叙等州號川馬五代王建大閱于星宿山官馬八千私馬四千建起 騎士有 之後于文黎雅茂等州市胡馬十年之間遠及茲數按通略韓億知益州移永康鶯馬場于黎州境上以灌茂地接番部歲來互市覘我西川故徙于此舊載在川南以今度之與大渡河相近但今市馬者由川北之中江縣而轉販入黎雅其時

勢與事不同如此

志云聖鐘山下有古城昔人于山中聞鐘聲及五色光掘之而得巨鐘故曰聖鐘山城即黎古州城也又云古黎州城在大渡河外按元和志南唐以來徙治大渡河內而水源在城外韋舉始築今城東西南三面隣絕澗惟北面稍平地多井泉與諸城鎮戎烽火相通誠西南之險要矣

志云韋舉所築王城國初安慶侯即故址砌為石城今大渡河守禦千戶所是也在司治西北隅

大渡河原出吐蕃經黎州城南九十里東注嘉定入于

江臨河大渡巡檢司戍之隋大渡縣設焉今廢為鎮若唐之大渡縣則在蘆山縣界

方輿云唐時大渡之戍一不守則黎雅邛嘉成都皆擾宋初建隆三年王全斌平蜀以圖來上議者欲因兵威復越嶲藝祖以玉斧畫此河曰外此吾不有也于是為黎之極邊昔時河道平廣可通漕船自玉斧畫後河之中流忽陷下五六十丈水至此澎湃如瀑從空而落舂撞號怒波濤洶湧船筏不通名為噎口殆天設險以陷夷狄也父老云舊有寨將欲載杉木板由陽山入嘉定貿易以數片試之板至噎口為水所舂沒須臾片片自

沫水浮出蠻人聞之益不敢窺伺矣

寰宇記云大渡河在通望縣南二十五里自吐蕃界經雅州諸部落至當州東流入縣界志云廢通望縣在司治東南九十里其北有羅日溪溪水入峨眉有通望山自大渡河南與衆山相連入雋州按通望本漢旄牛縣地在大渡河北漢水西今有古旄牛城在俗呼為牛頭城語訛也隋大業三年改為陽山縣因縣南朝陽山為名矣 又云大渡鎮西有陽山廢縣唐初屬登州後屬黎州也

十道志云隋仁壽四年罷大渡鎮置登州大業二年廢

登州又立陽山鎮唐武德元年改置陽山縣屬登州貞觀二年割屬雋州開元初改為登臺縣貞元五年十月劍南節度使韋臯邊將王有道等與東蠻兩林苴那時勿鄧夢街等帥兵于故雋州臺登北谷大破吐蕃青海獵城二節度殺其大兵馬使乞臧遮、悉多楊朱斬首二千餘級其投崖谷赴水死者不可勝數生擒籠官四十五人收獲器械十萬餘事馬牛羊一萬餘頭匹遮、者吐蕃驍勇者也或云尚結贊之子頻為邊患自其死也官軍所攻城柵無不降下番衆日却幾年間盡復雋州之境貞元十三年五月十七日吐蕃于劍南山馬嶺三

覆開路分軍下營僅經一月進軍逼臺登城雋州刺史
豐高任率領諸軍將士并東蛮子弟合勢接戰自朝至
午大破大戎生擒大籠官七人陳上殺獲三百人餘被
刀箭者不可勝紀收獲馬畜五百餘頭匹器械二千餘
事太和六年李德裕復修邛崃關移雋州于臺登城以
杆蛮夷

華陽國志云臺登縣有孫水一曰白沙江入馬湖水
經註孫水出臺高縣即臺登縣也南流迳邛都縣又南
至會無入若水

志云孫水俗謂之長河天全長河西以在孫水之西也

九州縣記曰臺登縣有奴諾川鸚鵡山黑水之間若水
出其下即黃帝子昌意降居處水經曰若水出蜀郡旄
牛徼外水南至放閔酈善長注曰按山海經南海之內
黑水之間有樹名曰若水有石水出焉又云灰野之鄉
有樹焉青葉赤華厥名若水生崑崙山西附西極也淮
南子曰若木在建木西木有十華其光照下地故屈原
離騷天問曰羲和未揚若華何光是也然若水之生非
一所以黑水之間厥木所植水出其下故亦受其稱焉若
水沿流間閔蜀土黃帝長子昌意德劣不足紹承大位
降居斯水為諸侯娶蜀山氏女生顓頊于其野有聖德

二十登帝位承少皞金宮之政以承德寶歷矣
水經註又云大渡水出徼外至旄牛道南流入于若水
又逢越雋大笮縣入繩山海經曰巴遂之山繩水出焉
東南流分為二其一枝逢東廣柔縣注于江其一南逕
旄牛道至大笮与若水合自下亦通謂之繩水矣
寰宇記云廢飛越縣本沉黎之地唐儀鳳四年分漢源
於飛越水置縣屬雅州大足元年屬黎州按志飛越山
下有唐時三瑯城即三交城也疑即古飛越縣矣又云
唐飛越縣有旧縣西北百里飛越山下其山兩面接羗
夷為沉黎西境要害之所

方輿云漢水發源自飛越嶺寰宇記云漢水在漢源縣
西百二十里從和姑鎮山俗中經飛越縣界至通望縣
合大渡河不通舟船每至春冬有瘴氣中人為瘴疾志
云漢水俗呼流沙河源出越山流經司南一里東入于
江

方輿云廢琉璃城在大渡河南太和五年節度使李德
裕築以蠻界琉璃為名也贊皇又築伏羲城以制大渡
清溪之險按今司南九十里有古清溪閣乃韋臯所
鑿以通好南詔者自此邛部經姚州西入雲南謂之南
南路在唐為重鎮馬孫樵書田將軍邊事云田在賓將

軍刺嚴道三年能條志南蠻事為樵言曰巴蜀西通十
戎南逼于蠻宜其有以制之者當廣德建中間西戎兩
飲馬于岷江其衆如蟻前鋒魁健皆擐五屬之甲持倍
尋之戰徐呼按步且戰且進蜀兵遇闕如植橫堵羅戈
如採發矢如蟲皆折兩吞鏃不能斃一戎而况陷其陣
乎然其戎兵踐吾地日深而疫死者日衆即自度不能
留亦輒引去故蜀又為之語曰西戎尚可南蠻殘我自
南康公鑿清溪道以和郡蠻俾自蜀而粵又擇群蠻子
弟聚于錦城使習書筭業就輒去復以他繼如此垂五
十年不絕其來則其學于蜀者不啻一百故其國人皆

習知巴蜀土氣山川要害文皇帝三年南蠻果大入城
都門其三門四日而旋其所剽掠自成都以南越雋以
北八百里之間民畜為空加以敗卒貧民持兵群聚周
緣劫殺官不能禁由是西蜀十六州至今為病自是以
來群蜀常有屠蜀之心居則息畜聚粟動則練兵誦武
而又俾其習于蜀者伺連帥之間隙察兵賦之虛寔或
聞蜀之細民苦于重征且將啟之以幸非常吾不知群
蠻此舉大劍以南為國家所有乎每歲發卒以戍南者
皆成都頑民飽稻飲豕十九如瓠雖知征鼓之數不習
山川之險吾嘗伺其來朔風正嚴緩步坦途日次一舍

固已呀然汗矣而况歷重阻即嚴程束甲而趨持戟而
聞耶加之為將者刻剝以自入餽餽者縱吏以鼠竊驟
官當給帛則以苦而易良當賑粟則以砂而黍粒如此
則邊卒將怨望之不暇又安能殊死而力戰乎此巴蜀
所以為憂也樵曰誠如將軍言苟為國家計者孰若詔
嚴道沉黎越雋三城太守俾度其要害按其壁壘得自
募卒以守之且兵籍于郡則易為後卒出于邊則習其
險而又各于其部相居矣地分則為屯春夏則耕蠶以
資衣食秋冬則嚴壁以俟寇虜連帥則能督之歲遣廉
白吏視其卒之有無劾其守之不法者以問如此則縣

官無餽餽之費奸吏無因緣之盜兵足食給卒無胥怨
於將軍何如田將軍曰如此何患遂書按予議撤威茂
戎軍聽其自募寔本此策而日後有求復者讀是書庶
幾瞭然矣

志云司治有五里有邛徠山言邛笮之人入蜀從此山而
來也亦界山矣漢書作邽華陽國志作味水經作來開
路記作萊其說不同方輿勝覽距州七十里邛嶲關昔
有楊氏婦造閣其上傍有閣道碑水經注云漢武元封
四年以蜀郡西部邛笮縣理旄牛道天漢四年置都尉
主外羗在邛來山表自蜀西渡邛笮其至嶮有弄棟八

渡之難楊母閣路之岨是也

漢書王陽為益州刺史行部至邛崃九折坂歎曰奉先人遺體奈何數乘此險後以病去及王尊為刺史至其坂問吏曰此非王陽所畏道耶吏對曰是尊叱其馭曰驅之王陽為孝子王尊為忠臣今有祠在山下又有叱馭橋在司境內太守李石為碑記云九折坂峻絕造天曲通九折乃得度其巔九夏凝冰冬絕行迹也按九折坂地理書諸以為在百丈驛想必後人移置近矣勝覽云筰笈山在州西北五十餘里有前笈後笈以山多筰故名春時州人百十為群入山斫取紹興間始立

筰租以贍學歲收緡錢八十千土人名為錢笈山

勝覽又云白崖山在州西北二百五十里山外即生番界險峻不通人蹟志云在西北二十里山之右有風穴如井不知淺深穴口四圍津々如汗間有氣出騰空如白雲須臾風起怒號如雷里人見雲即知風氣散則風定細則風小盛則風猛窒其穴風雖少而民多瘴開之風如故而瘴亦衰山之北又有穴大如車輪俯而入其中空濶數十步泉漱琮瑋石髓凝結其幽致不可名狀俗呼仙人洞即此

張華博物志云蜀南沉黎高山中有物似猴長七尺能

人行名曰攬路見婦人輒盜之入穴俗呼為夜入穴西番部落最畏之按寰宇記謂在漢源縣境或即邛崃山中耶記又謂山崐有一石洞壁間有夜叉像土人祠之號穿崖將軍洞按在今慶曆鄉

寰宇記唐乾元中黎州所統五十五州皆徼外生獠羈縻而已其名曰羅巖州索古州秦上州輒榮州劇川州合欽州下蓬州栢坡州溥盧州明川州胞股州蓬天州大渡州米川州木屬州河東州諾荏州有嵐州昌明州歸化州象川州藜夏州和良州和都州附樹州東川州上貴州滑川州北川州古川州南萼州北地州蒼榮州

野川州邛陳州貴林州護川州牒琮州浪弥州郎郭州上欽州時蓬州儼馬州撫查州邛川州護邛州脚川州閔望州上蓬州北蓬州剝重州久護州瑶劍州明昌州按只五十四州少一州本舊唐書之誤也時代已遠或鞫為坵墟或荒為部落或為閔堡別名皆不可攷

經略志云黎雅諸夷即天全六番諸部散居二州之間者宋時屢為邊患孝宗乾道四年威州保寧縣探知氣流等部欲入抄掠知縣張文礼閉絕蛇浴山路不許來往番從蛇浴嶺後折生路至村擾劫宣撫司委知永康軍李繁等討之番部來降十二月砂平番首高志良至

碣門互市與民鬪山鵬不勝乃詣寨官喻炳陳訴
決責之志良唧恨去明年正月來攻碣門制置司遣李
俊禦之兵未至志良已有悔意欲償還所燒廬舍更以
錢贖罪守臣不能身任其事付之兵官兵官既欲邀功
而喻炳亦覲報怨遂潛入砂平焚其屋廬番人初皆潛
伏官軍乘勢擄掠番鳴角聚眾以出遂失利番人追至
榮經蘆山而還乾道九年青羗吐番奴兒結等生黎州
負其馬價侵掠安靜寨推官黎商老等禦之敗死按撫
司委鈴轄李產彥堅往援始赴州悔罪買馬如故十一月
復犯安靜至大小壩殺虜軍民千餘黎州守郡降年及

通判呂宜之招邛部川蠻兵并力擊之乃遁淳熙二年
五月奴兒結等同元虜漢人詣州、犒之然以互市又
不得道方怨望而白水寨將王文才又與婚姻誘之搶
掠知黎州陸東之計泉文才于市戒明于黎州設按撫
司天全六番設招討司蓋以夷治夷之意也自洪武至
今邊方以靜雅州所屬與招討夷人或時有爭訟者蓋
境土相連勢使然耳

四夷攷云洪武初黎州長官司土舍馬芍德征討有功
加陞安撫司以芍德為安撫副使萬曆十九年副使馬
祥縣沒其妻瞿氏掌司事取瞿姓子撫之將有他志祥

姪土舍應龍居松坪遂具兵攻城取印番衆因而乘會
 剽劫于時叅將吳文傑方有征東之役移師剽平之二
 十四年奏將該司降為土千戶所安撫降為千戶於司
 南三十里大田山堪立千戶所侯應龍之子新受承襲
 司署改為黎雅遊擊府上七枝編為民戶屬大渡河千
 戶所當差下七枝仍舊屬松坪馬氏約束焉大抵司東三
 十里為天冲山險絕無路止通樵採而已唐末古碑所
 云沉黎界上山林叅天嵐霧晦日者也西二十里為黑
 崖關外係本司管轄上七枝等夷又一路由椒子岡
 至冷磧寨直抵長河則為大西天烏思藏進貢路南去

大渡河可八十里中立文武銷瘴香樹黑石流沙等堡
 直抵瀘河近河有避瘴山夏秋之交境多嵐瘴飛鳶群
 集至今冬前瘴已乃飛去土人避瘴恒以鳶候為故名
 銷瘴山也東南則安撫所轄下七枝熟夷之界其名田落
 凶曰吽哄曰沙罵曰俺邱曰安姑曰阿輝曰他又自
 炒米城以抵松坪寨連接峨眉凡三百六十里高山峻
 坂密樹深箐為安撫族人居之按九州志黎州石樓之
 地多長松不生雜木即松坪寨是也志云司南百里臨
 大渡河有韋臯所築要衝城俗呼沙來寨亦作炒米城
 矣

峨眉

峨眉縣邊隣松坪木瓜大小赤口等處原設六鄉西南
 二面臨夷三十里至高橋十里至土地關二十里至龍
 池場二十里至大圍關及中鎮巡檢司五里至鐵索橋
 五里至射箭下坪二里至射箭上坪此縣之旧界也
 坪外八里至黑龍溪四里至虎皮岡始分兩歧右路由
 上馬勝溪至金口廠為工部司新附籍之民名歸化鄉
 有陽化堡設馬由金口廠二十里至楠木園五十里至
 天池八十里至萬家石三十里至松坪則黎州土舍馬
 應龍所居矣左路由下馬勝溪至古金寺渡中鎮河有

中鎮檢司成之又十七里而至太平墩又兩歧右路
 過楊村行百里乃至獾狍獾狍亦新附夷種也左路由
 蠻鬼岡、勢險峻樹木叢雜入冬徂春烟霧不收雨雪
 層積師夷人亦鮮踪跡又十五里至空水即永寧墩八
 里乃至雞栖坪今築平夷堡處地池候館咸備焉由栖
 雞五里至冷溪二十里至熱水河十里至四百圍又二
 十五里而至西河設有鎮遠墩過墩四十里為殺馬溪
 懸崖峭壁中過河流人過此者兩頭牽索緘索而步至
 下山處名為溜馬槽又五十里則木瓜夷種之巢穴也
 木瓜有二有木瓜旁通西赤口去煖反只二日過水

瓜橋頭稍前十里為大木瓜即今三枝降夷處所一枝
凶瓜一枝匪瓜一枝卜特瓜過大木瓜五十里為利濟
山極高峻與大凉山相接又五十里至大赤口、外則馬
湖之地矣 之先分自大赤口凡十二枝賦乃卜特
其最著者世居西河屬馬湖土官安氏鈐轄自改流日
諸瓜叛入邛部歸嶺氏其地自西河至大小赤口凉山
雪山等處周圍蟠據北連建越西接嘉峨南通馬湖窟
穴溪徑四藏而入達馬嘉靖末諸瓜畜牧蕃盛心惡內
擾邛部長官嶺栢已不能馭及死其妻馬氏為政賦乃
雲栢等叛出凉山會同西河匪瓜白祿出沙坪于是嘉

峨犍為一帶鄰邊居民不能安枕建昌上下南三道督
邛部發兵至葛雞坪截殺之我師未集潛從冷溪而渡
直搗雞葛坐制我死命而瓜鋒于是益熾矣乃議大征
分為建越馬湖中鎮三路而進直搗巢穴瓜始惶駭請
降軟血自誓不復反主將檄令各推酋長納貢羅兵于
是凶瓜推牛撤為長匪瓜推阿書為長卜特推阿魁為
長愿各約束其部落永作屬夷歲貢馬三匹每匹輸三
金峨眉縣為進之十三枝瓜夷積聚虛實牛多不過六
七十頭馬四五十匹羊三四百隻耳歲費官兵糧餉三
千二百五十兩有奇恢復侵占田地自七盤子至米麻

嶺共四千八百六十四畝歲征租可四百四十七石有奇說者謂其常圖恢復云

雅州

禹貢和夷底績雅安志云和水在州南四十里源出蠻界羅巖州而入平羌江圖經云和川路在巖道縣界西去吐蕃大渡河五日程從大渡河西郭至吐蕃松城四日程羗蠻混雜連山接野鳥道蟠空不知里數

寰宇記云雅州管和川夏陽等羈縻四十六州其首曰羅巖州去當道四百八十里曰當馬三井東鋒名配鉗恭斜恭畫重羅林籠羊林沒林燒龍蓬索古敢川驚川

蝸眉木燭百坡以上十八州去雅州近者四百餘里遠者不及五百里去羅巖自一里至六十里為極惟當馬去羅巖二百里焉 曰當品巖城中城川鉗失昌磊鉗并百頗會野以上八州去雅州近者二百六十里遠者六百三十里去白坡近者三里遠者六十里 曰當仁推海作重禍林諾筏金林平恭布嵐欠馬羅蓬以上十州去雅州近者五百七十里遠者六百二十五里去會野近者三里遠者六十里通羅巖共三十七州和川路之界也其次曰論川州去當道五百八十里曰遠南州去讓州川二十五里至州五百六十里卑盧州去夔龍州

二十里至州五百六十里夔州去卑盧州二十里至州五百六十里耀州去金州一十五里至州五百六十里金州去耀州一十五里至州五百六十里東嘉州去金州二十里至州五百六十里西嘉州去東嘉州一十五里至州五百六十里道論川共九州憂陽路之界也

寰宇記云貞元中吐蕃七部落來降界近雅州因安置於如川等路其名曰吐蕃籠官場矣蓬費東君等部落六十人在蠻宿川安置吐蕃業城首領籠官劉矣本等部落在本部安置吐蕃會野首領籠官高萬唐等部落

在本部安置吐蕃逋租城首領籠官馬東煎等部落在夏陽路安置吐蕃國師馬定得并籠官馬德唐等部落在欠馬州安置吐蕃嘉梁州降戶首領籠官劉定等部落在夏陽路安置吐蕃鬼籠城首領鏐羅莽洵等部落在和川路安置按宋史雅州西山路蠻有部落四十六唐以來皆為羈縻州太平興國初首領馬令膜等來貢并上唐朝勅書告身凡七通咸賜冠帶其首領授官以山南志云雅州通西蕃路有三曰靈關碣門始陽也而碣門最為要害按靈關鎮在廬山縣北八十二里蜀郡賦廓靈關而為門是矣四夷攷云碣門等處安撫司元

時設在雅州尋改吐蕃宣慰使司國初宣慰余思聰王德貴歸附始降司為州又碉門百戶所設近天全六番之界所有茶課司以平互市之官也

志云始陽山在蘆山縣東十里俗呼羅繩山寰宇記以為蒙山西魏置始陽縣于此楊用修云史記西南夷傳自雋以東北君長以十數斯苻都最大注斯及苻都二國名也徙音斯相如難蜀文略斯榆謂斯与標榆也此斯即南西夷之徙玉篇作鄂汪狄國夏為防風氏周為鬻漢之賓叟地在蜀之邊也

圖經蘆山縣新安鄉五百餘家獠種也其婦人娠七月

而產置兒向水中浮者取養沉者棄之千百無一沉者長則拔去上齒加狗牙各以華飾今有回牙長于猪牙而唇高者別是一種能食人無長齒者不能食人俗信妖誣擊銅鼓以祈禱焉

土夷攷云榮經縣界懸崖棧道之間有雜道長官司及飛越廟縣西北有紫服夷編氓殆半里其地名紫服關與西番相接廣可四十里袤百里自甕溪飛水小路直透冷磧番以上閉堡大渡河官軍戍之東西峻嶺中流一河大壩筒車寺五姓夷結茆以居五姓各立老人有訟不立公庭惟聽老人處分而已然賦稅亦不後時益

為茶商捷徑有利存焉正西萬里乾河直通碣門則天全討招之地矣

陳子昂諫雅州討生羗書將仕郎守麟臺正字臣陳子昂昧死上言竊聞道路云國家欲開蜀山自雅州道入討生羗因以襲擊吐蕃執事者不審圖其利害遂廢梁鳳巴蜒兵以徇之臣愚以為西蜀之禍自此結矣臣聞亂生必由怨生起雅州邊羗自有國以來未嘗一日為盜無罪受戮其怨必甚怨甚俱誅必烽駭西山盜起則蜀之邊邑不得不連共備守兵久不解則蜀之禍構矣臣聞吐蕃桀黠之虜君長相信而多姦謀自敢抗

天誅以來向十二餘載大戰則大勝小戰則小勝未嘗敗一隊亡一矢國家往以薛仁貴郭待封為覲武之將屠十萬衆于大非之川一甲不歸又以李敬玄劉審礼為廟廊之宰辱十八萬衆于青海之澤身為囚虜是時精甲勇士勢如雷雲然竟不能擒一戎馘一醜至今而隴隴為空今乃欲以李處以為將驅顛顛之兵將齧吐蕃臣竊憂之而為此虜所笑且夫事有求利而得害者則蜀昔時而通中國秦惠王欲帝天下而并諸侯以萬不兼實不取蜀勢未可舉乃用張儀計飾美人譎金羊回間以啖蜀侯果貪其利使五丁力士鑿山通谷棧褒斜

置道于秦自是險阻不閉山谷不閉張儀躡踵乘便縱大兵破之蜀侯誅實邑滅至今蜀為中州是貪利而亡此往事也臣聞吐蕃羯虜受蜀之珍富欲盜之已有日矣然其勢不能舉者徒以山川阻絕瘴隘不通此其所以頽餓狼之喙而不能窺食也今國家乃亂邊羗開隘道使其收奔亡之種為嚮導是以借寇兵而為賊除道舉全蜀以遣之此危道也蜀西南一都會國家之寶庫天下珍貨聚出其中又人富粟多順江而下可以兼濟中國今執事者乃圖僥倖之利悉以委身西羗得西羗地不足以稼穡財不足以富國徒殺無辜之衆以傷陞

下之仁靡費隨之無益聖德又恐僥倖之利未可圖也夫蜀之所實恃險者也人之所安無役者也今乃開其險役其人險開則便寇人役則傷財臣恐未見羗戎已有奸盜在其中矣往者益州長史李崇真將圖此奸利傳檄稱吐蕃欲寇松州遂使國家盛軍以待之轉餉以備之未二三年巴蜀二十餘州騷然大弊竟不見吐蕃之面而崇真贓錢已計鉅萬矣蜀人殘破幾不堪命此之近事猶在人口陛下所親知意者必有姦臣欲圖此利復以生羗為計者哉且蜀人尪劣不習兵戰一虜持矛百人不敢當又山川阻曠去中夏精兵處遠今國家

若擊西羌掩吐蕃遂能破滅其國奴虜其人使其君長係首北闕計亦可矣若不到如此臣方見蜀之邊陲不守而為羌夷所橫暴昔辛有見被髮而祭伊川者為以不出不年此其為戎乎臣恐不及百年而蜀為戎也

天全六番招討使司

古氏羗之地晉以前無聞焉宋齊梁土豪迭相雄長名屬益州西魏為始陽縣地屬蒙山郡後周因之隋初郡廢屬雅州唐為羈縻州隸雅州督都府摠志云五代王孟之間有高曩閣藏陽夫夫朶只兒二酋歸附始置碉門黎雅長河西魚通寧遠六軍民安撫司來隸雅州元

憲宗時復置六安宣撫司屬吐蕃等處宣慰司後改六番招討司又分置天全招討司國初併天全六番格討使司隸四川都司其地東西廣百九十里袤二百一十里東至雅州界五十里西至長河西司百四十里謂之乾溪南至榮經縣界六十里北至靈關道及董卜韓胡百五十里去成都五百四十里為詔之咽喉轄部落凡六曰馬村蘇村金村楊村麗東村西碉村或謂六番之名始此非五伏碉門黎雅等六名也

上南志云洪武六年詔西夷酋長至京授職賜印因俗為治立都指揮使司二曰馬思藏曰朶甘指揮使司一

隴谷衛也宣慰司三朶甘及董卜韓胡長河西魚道寧遠也招詔司六萬戶府四及則思寨安撫司木瓦都指揮葛刺湯千戶諸部落是為三十六種以時朝貢焉志云天全招討司設在碉門城即元之碉門安撫司也中有碉門百戶所屬雅州千戶設在正副二招討及朶甘宣慰界渡河以西又有真官招討司及魚通安撫令磧十八寨為三十六種番夷出入之路

志又云司治有諸葛武侯廟治東二十里有卧龍山相傳武侯征猛獲駐宿其上又十里有泉從石龍口噴出謂之龍泉其源發大悲寺內寺在司東四十里又十里

則多功山也昔大禹疏鑿以通峽水故名志又有鎮西山姜維伯約駐師其下在司東二百十里又二十里有女城山相傳楊招討家女將守此壘石為城尚存又有玄窰白厓皆出聖燈芝草玄窰高峻清絕在東南八十里白厓矗土如雪在司南里餘近白厓又有玉壘窮冬積雪土人以玉堡呼之圖經自長河西至董卜寨二百餘里皆遶雪山而行路由打箭爐而進有哈日寺在烏思藏中元世祖欲郡縣六番之地以吐蕃僧入思已為大寶法王帝師領之嗣者數世其弟子賜號司空司徒國公佩金章玉印前後相望大寶法王而下有乘大法

王闡教王闡化王獲教王獲法王通謂之爲思藏六番也以其地連天竺有大西天小西天之城焉雪山盡處有大鐵圍山，有法佛德行刺麻等寺

游梁雜記云馬思藏所產細畫泥金水副佛像銅渡金佛像金塔舍利各色足力麻鐵刀麻璫瓊左髻犀角珊瑚唵叭其首道由董卜韓胡長河西朶甘思之境自雅州入京大乘大寶二法王差僧徒闡化闡教補教贊善進之

志云天全男不習工藝女不事紡績惟以耕種爲業番漢洧居碉房絕嶺治化漸摩禮義日生

卷終

郡國利病書卷六十九

下川南道

叙馬瀘道開府馬湖統轄叙瀘二衛烏蒙烏撒東川鎮雄永寧等府司叅將一員駐劄永寧遊擊一員駐劄建武實左右之但永寧者兼貴州迤西等處地方故稱川貴叅將云漢書西南夷傳唐蒙至夜郎夜郎旁小邑貪漢繒帛以爲漢道險終不能有也乃且聽蒙約還報以爲犍郡治道自犍道至牂柯水經若水又東北至犍爲朱隄縣西瀘江水鄰道元曰朱隄山名也應劭曰在縣西南以氏焉犍爲屬國也在郡南千八百里許建安二

十年立朱隄郡。治縣故城郡西南二百里。得所縮堂琅縣西北行上高山羊腸繩屈八十餘里。或攀木而升。或繩索相牽而上。緣陟者若將階天。又有牛叩頭馬搏類坂其難如此也。

舊志唐置晏高筠定連蔭鞏等十四州隸戎州都督府。唐末廢四州存十州。宋神宗時十州夷內附隸瀘川郡。前晏高等州皆在焉。元置戎高鞏筠連四州隸叙州宣撫司。至元十三年宣撫使答順招諭酋長得蘭紐得貢。卧等率衆歸附。因設大壩總管府。得蘭紐授都總管。得貢卧充同知其羅星長官。以黎州同知李奇為之。上下

羅計二千戶。俱得姓者為之。

輿地志曰叙州三路。蠻西北曰董蠻。正西曰右門部。東南曰南廣。蠻董蠻在焉。湖江右楚侯國也。其酋董氏南廣。蠻在慶符縣石門蕃部。與益洮土蕃。按唐興播等十。二州之地。其人精悍善戰。聞自馬湖南廣諸族皆畏之。蓋古浪稽魯望諸部也。

志云宋大觀中夷酋羅永順楊光榮李世茶等各以地內屬。詔建滋純祥三州。在慶符縣西。元史四十六國蠻夷所領。永蛾夷地在慶符南。唐定州之支江縣也。其長官司在高縣西三十里。落騷鄉。文獻通攷云獠蠻不辨。

君國和... 卷之六
姓氏所生男女長幼次第呼之其丈夫稱阿謨阿改婦人阿夷阿等之類今稍泛漢俗易為羅楊等姓依樹積土以居其上名曰杆欄杆欄大小隨其家之口數杆欄即夷之榔盤也制略如樓門由側闕擡梯以上即為祭所餘則以寢焉又云夷有姓氏男織班布纏頭衣裳俱如華製行纏以班布為之女縮髮為髻纏以班帶簪纏用銀兩耳各穿兩孔上貫釵下貫環富者疊貫之衣尚左衽下著桶裙間以組綵長覆膝下初娶不論物采惟通媒妁殺牛豕以為禮即引婦惟老死後方大索婚價飲食喜啖蚪蚪又云楚有姓氏用白練纏頭衣尚青碧

背領袂緣俱刺文繡裳袴覆膝亦織班帶以為行纏嘗佩雙刀善使勁弩女縮髮撮髻飾以簪壓衫之前後左右文綉灼爛長裙細摺膝以下亦刺文繡行纏雜以青紫則出着單履生淫婚則論財喪則戚憐咸娶撾鼓作樂至夜男女雜還自有番書卜日不同與中國

李京雲南志云白人者漢武帝開楚道通西南夷道戎川旧縣是也今轉為白人矣白人語着衣曰衣吃飯曰咽羨茹樵採曰析薪帛曰冪酒曰尊鞞鞋曰悼泥墻曰埽垣男女首戴次工製如中原漁人蒲笠差大編竹為之覆以黑氈親旧雖久別無拜跪惟取工以為次男

女披瓊髻婦人不施脂粉酥澤其髮以青紗分編繞首
盤繫裹以攢項黑巾耳金環衆牙纏臂衣繡方幅以半
身細檀為上服霞子孀婦出入無禁居屋多四簷為如
殿制食貴生如猪牛雞魚皆生鹽之和以蒜泥而食每
歲以臘月二十四日祀祖如中州上冢之禮六月二十
四日通夕以高竿縛火炬照天小兒各持松明火相燒
為戲謂之驅穰

又云土獠蠻在叙州南烏蒙北皆是男子及十四五則
左右擊去兩齒然後婚娶猪牛同室而居無匕筋手搏
飯而食之路踏高樑上下山坂如奔鹿婦人跣足高髻樺

皮為冠耳墜火雙環衣黑布衣項帶鐵牌以為飾出入
林麓望之宛如猿獠人死則以棺木盛之置于千仞嶺
崖之上以先墮者為吉山田薄少力耕火種所收稻穀
懸于草棚之下日旋搗而食多以採荔枝販茶為業

唐書戎州都督府羈縻州九十有二宋初見寰宇記者
合叙瀘只載四十餘州而已他不可攷樂正子曰羈縻
諸州除沒落雲南蠻界一十五州其餘雖有名額元無
城邑散在山峒不常其居撫之難馴擾則易動其為刺
史父子相繼無子即以其党有可者公舉之或因春秋
有軍設則追集赴州著夏人衣服却歸山洞椎髻跣足

或披毡或衣皮從蠻夷風俗無稅賦以供官每年使司
須有優賞不拘文法今並存之要知古跡而已 悅州
在戎州南二百十七里管縣六甘泉青賓臨州悅木夷
口胡璠 移州在州西南五百八十七里管縣三移當
領何湯陵 扶德州唐開元十八年七月割入在東南
四百五十七里領縣三扶德宋水河陰 筠州在四百
十七里管縣八益水筠山羅余臨居澄瀾臨崑唐川尋
源 連州在州西南四百餘里筠州析出管縣六當
為都寧邏遊羅龍加平清次鞏州儀鳳二年開山洞置
天寶元年改為曰忠郡乾元二年復為鞏州在南三百

十里領縣五哆樓比邱都善播郎婆、按即珙縣也鞏
州者今之羅星渡哆樓者今在城之高樓坊婆、今江
安縣畝之婆、村比邱今之九寨播郎今貴州界之安
靜長官司都善一名都壇今名海潯此本志所載也

宋州領縣四戶六十九牯龍牯支宋水盧吾輸納半稅
按高縣西五十里有宋水 南州在州西五百三十五
里盈州析出管縣三播政百榮洪瀘 德州在州南五
百六十四里管縣二羅連萬崖 為州在南四百九十
里管縣二扶僧羅 洛州在南四百二十七里管縣四
臨津賓夷葱葉曹口 志州在西四百五十六里管縣

回浮萍難惟夷賓河西 盈州在南五百六十七里管
 縣四盈州奎賽播陵施燕 猷州在南六百六里管縣
 七名闕 武昌州在南一千二百一十七里管縣七洪
 武羅虹琅林夷郎來賓羅新綺婆、景州在南三百九
 十六里管縣七名闕 播狼州在南二百八十七里管
 縣三播勝從顏順化右十七州唐時隸戎川南廣溪洞
 獠 協州在州西南八百里天寶中因雲南離叛被破
 今移置在西南四百九十三里管縣二名缺 靖州在
 西南五百一十里管縣二靖州分協 曲州在西南九
 百里天寶中因雲南破移在開邊縣界去縣一百二十

七里管縣二朱隄唐具 播陵州在南五百七十七里
 管縣二名缺 鉗州在西南四百五十七里元無縣從
 開邊縣析出 哥林州在西南一千四百里管縣三名
 缺切騎州在西南一千一百里管縣四柳池秦祿縻託
 通識 品州在西南二千三百九十五里管縣三八梓
 松花牧口 從州在西南二千六百四十二里管縣六
 茫化昆池武安羅林梯山南寧 碾衛州在西南九百
 九十七里管縣三名缺 涪州犸達州俱歸馬湖右十
 二州管縣三十七唐時在石門路並無稅賦供輸相承
 在圖經上標名額耳石門今叙州之慶符縣也 長寧

州領縣四戶三十八婆員居青盧羅門 涪州久視元年置領縣二戶一十五新定固城 高州領縣三戶二十一柯邑移甫徒西按長寧涪州俱長寧地高州即今之高縣也 晏州儀鳳三年開生獠置天寶元年改為羅陽郡乾元二年復為晏州領縣七戶七十七思峨柯陰新賓株來哆崗羅陽思晏按吳文縣有晏峰即思晏縣也七縣今為砦矣 定州領縣二戶一十六支江扶德按筠連有定州溪日州治在溪南 薩州儀鳳二年招生獠置天寶元年改為黃池郡乾元二年復為薩州領縣三枝江黃池按珙縣圖有古薩州即上下羅計

納州儀鳳二年開山洞置天寶元年改為都寧郡乾元元年復為納州領縣七戶百六十八羅圍播羅施陽羅當羅藍都寧羅常邊徼溪峒輸納半稅按珙縣有都寧驛與建武相近 奉州儀鳳二年置領縣三戶三十九柯里柯巴蓬羅按宋史奉州乃瀘州部西南邊夷 思峨州天授元年置領縣二戶三十七多溪洛溪按瀘州憲綱有思峨洞已上供輸涓井鹽紫竹也 藍州儀鳳二年置領縣一胡茂 順州載初二年置領縣四戶五十九曲水順山靈岩來狼以上輸納半稅 能州大定元年置領縣二曲水甘泉 浙州儀鳳二年置領縣四

浙源越賓洛州鱗山以上連接黔府生蠻承前不輸稅
右十三州唐時隸瀘州

建武千戶所

春秋楚侯故地漢為西南夷部叛服不常諸葛武侯征
撫之置銅鼓埋鎮諸山稍就帖然唐儀鳳間開拓夷徼
于本部置晏州羅陽郡領縣七宋熙寧間晏州儀夷獻
地隸瀘州郡政和間夷卜籠謀叛據五斗壩後據九絲
天險號九絲山都掌元至正間本部歸附陞為戎州統
轄水都四鄉山都六鄉本朝改州為縣隸叙州府水都
則陽順陰逆山都則猖獗日甚先後九十有二征俱弗

克萬曆元年剽平之用兵九閱月告成事始改戎縣為
興文水都震懼悉歸編戶于山都六鄉遠中處建武寧
城拓地五百餘里東至永寧宣撫太平長官司八十里
西至珙縣百五十里南至鎮雄府安靜長官司八十里
北至叙府長定縣百五十里設鎮守提兵安邊同知坐
營守備及建武守禦千戶所環回小山翠連雲貴襟三
水而清派叙瀘招集流移建學育才夷風丕變矣萬曆
丙申丁酉間盧酋火落赤率其部入寇松潘乃移提戎
之西改設遊擊于建武建武兵亦移入松而所存無幾
武寧蠻好着芒心接離名曰苧綏嘗以稻記年月葬時

以筭向天謂之刺北斗相傳盤瓠初死置于樹以筭刺
之下其後為象臨本志云平蠻城即九絲城壁立萬仞
周圍三十餘里上有九崗四水極廣可以播種僅通一
徑鳥道真天險也去鎮一十五里為左榜山今立頭腰
尾三堡墩矣

大壩總管府元至元十三年蠻夷宣撫使咎順遣官招
諭戎州酋長得蘭紐得貢卧率斂蠻民歸附十七年朝
見遂設大壩總管府得蘭紐授都總管得貢卧克同知
其羅星長官以黎州同知李奇為之上羅計夷酋得賴
阿當以至元十三年歸順授上羅計蠻夷千戶下羅計

夷酋得顏箇以至元十三年歸順授下羅計蠻夷千戶

馬湖府

寰宇記戎州都督更有羈縻州五按即今之馬湖屬也
其在唐或隸戎州或隸石門路 馴州在戎州西北七
百三十三里管縣五馴祿天池方陀羅藏播騁 騁州
在西一千三十三里領縣二 斛木羅相 浪州在西一
千三百四十三里貞元十三年五月十七日西川節度
使韋皋奏置管縣五名缺右三州在馬湖江 瀉州在
南九百一十二里管縣三拱平掃空羅空 柯達州在
南九百三十三里管縣三柯達羅名新成右州二在石門路

土夷考云馬湖即牂牁地也旧有馴浪騁瀉牂牁五州
屬焉瀉州在府東南百里外屬叙州府猶有故址可尋
而馴浪騁之在西南者計三千里外与建昌邛部相連
漫無所攷牂牁州亦府西界摠之昔為羈縻而已國初
按濟歸附授土知府五傳至安鰲而叛改流官為弘治
九年詳靖邊錄中仍以泥溪沐川平夷蠻夷四長官司
隸之泥溪平夷皆王姓蠻夷文姓沐川悅姓也環而星
列于外萬曆十七年始設屏山縣附郭焉東界叙府有
一十里西界建昌千二百里南界烏蒙百四十里北界
犍為二百里

水經注曰鬯縣故犍為郡治也縣有犍山晉建興元年
置平夷郡有鬯水出鬯邑西不狼山東与温水合温水
一曰煖水出犍為符縣而南入鬯水鬯亦出符縣南与
温水會鬯駟謂之鬯水俱南入鬯邑鬯水于其縣而東
注于延水延水又与漢水合出犍為漢陽道王莽之新
通也按鬯縣半屬平夷地矣

土夷攷云泥溪傍府而居其東西北三面連接烏蒙与
獮狃雜處所受田賦與華民一體奉征調可得夷兵三
百人受寧戎巡檢司約束
平夷地土撮狹錯于泥溪蠻夷之中相去各四十里東

去泥溪三十里有書樓峯我朝薛文清公瑄父為平夷司吏目隨任讀書于此

蠻夷司民少夷多故以名司其夷種有四山龍源青岡黃郎磨坡等處與建昌烏蒙沙罵接連有征調可得夷兵千設有檜溪烟溪三堡及龍源巡檢司防守去司治二十里有水海旧有龍生于水中馬湖得名本此沐川司東界宜賓北界犍為南界泥平蠻三司西抵建昌越舊邛部新設安邊廳守備司皆其轄地故最廣田土亦饒而民狡好訟離府可三百里過此自西迄北大凉山以外盡皆夷地文法所不能盡拘耳

安邊廳在新鄉鎮即賴因鄉也東接犍為南接本府各二百里西接建昌千三百里北接大凉山五百里十六年馬湖改流于此建城垣設安邊同知一員駐劄其間又于烟草峰設守備司以資彈壓北有水池為後營南有大河壩為前營中有兩河為中營三營官兵約千四百四十餘人以成犄角之勢蓋于諸夷所出沒處拒其吭而守之也其水池一帶則界老鸞山大河壩一帶則界大凉山雷坡黃郎等處則界分水嶺度幾西陞一雄鎮云

瀘州衛

洪武初調陝西長安衛軍征雲南回使駐守瀘州成化初以都掌之亂遷于宋江渡按在州南百里城周三百丈去衛南一舍有洞歸堡西舍有足遠堡三舍有太平堡東南百里有水峽堡北五十里有江門堡百三十里有太州堡西北百六十里有三層堡又二十里有渠壩堡其地東連羅、羿子北抵九支控州西通長城九姓馬湖建昌南接東川芒部烏蒙烏撒蓋西南夷要害之防也本志東抵永寧衛西至九姓長官司各十里南至太平長官司五十里北至納溪縣界四十里轄左右中前四千戶所

烏蒙軍民府

古為竇地甸漢為牂牁郡地唐時烏蠻仲牟由之裔曰阿統者始遷于此地甸至十一世孫烏蒙始強號烏蒙部宋時封阿杓為烏蒙王元初歸附至元年間置烏蒙路隸烏撒烏蒙等處宣慰司其時李景京山為宣慰使副兼管軍萬戶即著雲南志畧者元末彼土有阿普者任為總管洪武初招集隣酋效順于是改宣慰司為軍民府以阿普為土知府設流官通判經歷照磨各一員隸四川布政司屬川南道編戶一里而已其人有羅、夷人土獠三種錯雜而居男子年十四五則擊去左右兩

齒乃娶出入佩刀相見以去帽為礼架木為棚以居東
 西廣五百一十五里南北袤七百六十里東至烏撒府
 界二十五里西至建昌衛界四百九十里南至東川府
 界百三十里北至叙州府界百三十里至城都千五百
 里

志云錢爐山在治東三里以形似名涼山在西百里高
 廣千尋絕頂平曠蛮人避暑之地也雪山有積雪春夏
 方消在府西百三十里其西南有撒田河源出淨山北
 流與龍洞河合龍洞河在司東北一舍源出石洞中以
 為洞者有龍金沙江在西南二百里外源出吐蕃流入

府界与馬湖江合

志又云夷語以五為我以橫為末東二十里即我末山
 有五峰橫列故名 以平坦為朴窩東南一舍有朴窩
 盖四望平坦也 以相對為博特東南十五里有博特
 山以與府山相對也 以陡峻為撒途東北八十里一
 山峻絕故曰撒途山

東川軍民府

古東川甸烏蛮仲牟由之裔罵彈得之改曰那礼那夷
 属南詔蒙世隆置東川郡後烏蛮闕畔姜盛自號畔部
 元初置萬戶府至元中改為閔畔部軍官後改為東川

府隸烏撒烏蒙等處宣慰司洪武初仲年由之裔祿氏設姑婦附乃授為東川土知府隸雲南布政司十六年改為東川軍民府添流官通判經歷照磨各一員立營長六頭目九管緝其間隸四川布政司屬川南道編戶十里

元志云東川有烏蠻白蠻彝人羅之四種烏蠻富而強白蠻貧而弱居多版屋倘尚戰爭類土蕃之風彝羅通詔之夷人而羅即爨也性勁而悍摘鬚束髮于頂覆以白布夾巾衣以毡履以革彝人推髻披毡戴毡笠用毡裹其脛躡皮履以貿易為業東西廣四百二十里南北

袤三百七十里東至烏撒界一百二十里西至會川界三百里南至雲南尋甸府界二百二十里北至烏蒙界百五十里至城都千四十里志云府治在萬額山下山形上濶下銳如猪治內有大石如牛卧叩之有聲夷人以為石鼓也治南有白婆山頂有四時泉西五十里納雄山夜靜時聞人聲以為神也歲五穀熟必于此告成焉

東川大王祠蒙氏所建絳雲弄山之神也山高峻可百里有十二峰下臨金沙江在府西南二百里一名烏龍山

金沙江一名納夷又名黑水源出雲南武定府下流入
 濟慮郡夷人鑿木為槽以渡此水牛欄江在治東南三
 舍源出尋甸軍民府下流舍金沙江之闊水急夷人用
 藤索橫江貫以木筩過者縛身筩上游索以濟

土夷考云嘉靖中土官祿信長子天恩死天恩妻阿福
 自掌府事季子天寵以弟當繼襲有夷設豸與目把私
 通殺天寵而与阿福爭印妯娌自相攻殺頗稱多事焉
 蓋府雖隸于蜀川而城郭衙舍設在滇黔之中道路嶮
 巖兵馬素強以是為鴛鴦云

烏撒軍民府

旧名巴比兀始後名的巴甸唐時烏蛮之裔孫曰烏些
 者居此至阿蒙始得巴的甸其東西又有芒部阿晟二
 部皆他酋所據宋時烏些之後曰析怒者始并其地號
 烏撒部元至元中始內附置烏撒路招討司尋改為軍
 民總管府又改軍民宣撫司後改烏撒烏蒙等處宣慰
 司元末四川分省石丞那者以其地來歸于是改烏撒
 軍民府以那者知府事隸雲南布政司十六年改隸四
 川設官与烏蒙東川同今土官安氏其裔也

經略志云烏撒府編戶二里耳而富盛甲于諸夷積累
 日深有可慮者其產有刺竹及猿山崖險阨襟帶二湖

羊腸小徑十倍蜀道也

圖經云烏撒之地東西廣四百四十里南北袤三百五里東至播州宣慰司界二百五十里西至烏蒙府界百九十里南至雲南霑益州界九十五里北至芒部府界二百一十里至城都千二百五十里

志云七星關在府東南百七十里

又云東門之外石駝關有石如橐駝立關下又云有老鴉關善款關俱在府東三百里貴州畢節衛人戍之志又云東南三里有大隱山東北百四十里有烏門山兩崖相對如門然東二百里有翠屏山

又曰東南七十里石洞容百餘人窮處又得石竇遊者以炬入不知遠近而出

盤江在治西百五十里流入叙州養馬川在治東百里十里夷人牧馬之處一名豎馬川治西一舍有七渡河南三舍有可渡河西南百十里有九十九渡水

鎮雄軍民府

通志云古為屋流大雄甸昔烏蠻之裔阿統與其子芒布居此地其後昌盛因祖名號芒布部宋置西南蕃部都大巡檢司元至元中置芒布路隸烏撒烏蒙宣慰司本朝改為芒部府初隸雲南洪武中陞為芒部軍民

府隸四川布政司屬川南道

弘治間土官隴慰先娶水西女冲中生子曰慶与壽繼娶烏撒女冲叔生奸子隴政既而讐殺水西則為隴壽之助烏撒則為隴政之黨嘉靖三年慰死嫡子壽繼職庶子政謀壽殺之都御史王執奏調官兵擒政及其嫂支祿繫獄死奏改流鎮雄府設經歷照磨教授各一人立懷德長官司于却佐威信長官司于毋歸響化長官司于夷良安静長官司于落角以重慶府通判程沆為試知府明年沆方募民占種夷田于是水西乘机勾引隴壽之党沙保為亂沙保者故水西媵奴也与壽部下

阿得獅子吼等破府城逐沆劫其印川貴會奏動三省官兵剿之沙保詐稱已死主者弗察誤以捷聞各陞賞有差七年沙保等復聚寇掠奏聞會議王官土舍或爭鬪或讐殺與師問罪甫定之後建議者即欲改設流官及流官再設而土夷隨叛殺人奪地比昔更甚盖作惡者不過一二人今乃以一二人之惡而遂致改易一府一州拂其本心違其約信所謂犯衆怒也是以屢剿屢亂而兵革卒無寧日合無凡有土官惡逆被顯戮者通拘所部頭目令其自保應立力足以制服夷衆之人或土官之子孫弟姪族人俱為衆所推服者于是議以隴

勝為知府為聘永寧宣撫奢爵女奢氏為妻更名隴安授女官知府安擒獻沙保地方額寧安死子隴清龔清生子來鳳早卒次子來龍尚幼生母奢氏更名隴高護印撫子而隴清妻者氏与之爭目把各私所好仇殺二年委官勘處令二婦同掌兵戈始息及後者氏耄而來龍妻祿氏再贅水西安克臣盤據其地印為携去隴不絕如綫萬曆戊申年以永寧之役堯臣發兵助惡始驅之去而蜀中欲立阿克黔中欲立普德相持良久者氏恐一旦填溝壑乃兩廢之差官會勘以夷漢目把共願立者為主于是始易阿破為土知府而克臣不敢復垂

延矣

圖經云芒布部廣袤二百七十里東南俱抵烏撒不及三十里以阿赫闌為界西至烏蒙界二百四十里北至珙縣二百二十里以樂安山為界至成都可千里司北百八十里勿食料溪源出樂安山也司南二十里外直斗河源出六丈箐經七星關其山川險阨地勢崎嶇左峙綽忸右統硤砌其風俗勁而愚朴而野男業耕稼婦絕粉黛崇信巫鬼其土産有石瓜樹生蔬堅如石能已心痛志云芒部司西南有鼠街其俗夷人每遇子日則交易于此

又云夷語以首為烏以立為通司北五里烏通山如人
翹首而立故名 以清氣為綽忸司東二十里綽忸山
有爽氣也 以松為託以沙石為諾司西南二百里外
託諾河岸側多松栢沙石故名又有砢砢雄山見通釋

永寧宣撫司

通志云晉置永寧縣屬雲南郡宋及周隋因之唐改置
蘭州屬益州宋初州廢為江安合江二縣之境後設永
寧路遷至馬石崖漁漕溪側元曰之領筠連州騰州縣
隸四川行省尋改軍民宣撫司明玉珍改設永寧鎮邊
都元帥府仍設宣撫司國朝洪武中宣撫司祿照歸附

改為永寧長官司割筠連屬叙州後仍陞宣撫司屬川
南道司治旧在馬口崖即宋乾德所改也開熙間遷于
界首明初土官祿照因蠻夷千戶所旧址遷焉環城皆
山疊翠如屏紅崖鎮北漁溪橫南亦山水之匯也

唐書天寶七載南詔由西路進起瀘州沂永寧走杰水
達曲靖曲靖古味縣也設郵傳自元始志云普市驛在
司東五十里摩尼驛在南九十里又五十里為赤水驛
又四十里為阿水驛赤水有衛普市摩尼有千戶所皆
屬黔

土夷攷云衛西至納雞縣南至鎮雄府各四百里北至

合江縣百六十里東至播州界二百五十里職官宣撫
仍旧加設上官司知一流官經歷教授稅課司遞運
所大使各一人并九姓太平二長官司編戶七里其風
俗刻木為信巢居箐寨不事商賈惟勝農業垂髻跣足
懸帶弓弩巴蜀耆旧志云永寧即古寧州極西南有閩
濮鳩獠僮越裸身毒之民土地沃腴黃金光珠琥珀翡
翠孔雀犀象蚕桑錦絹綵帛文綉又有貊獸食錢狸
能言其血可以染朱屬有大竹名濮竹節相去一丈受
一斛許

志云赤水河源出芒部水腦間流經司東南達赤水衛

衛東二十里有雪山窮冬積雪夏至方消

沽溪在司南半舍源出蛮界流入漁漕溪在九姓司
東馬口崖下

司北有海漫山延袤八十餘里起伏不絕如海之汗漫
故名西北兩舍有高瀑自山頂飛來如足練也西南一
山圓瑩如珠曰西珠山有仙婆墓在西山烏降山下銅
鼓溪崖相傳有女子名滿者有道行及笄不字能前知
吉凶卒葬于此

九姓長官司唐宋以前俱蛮地元立夷民羅黨九人為
摠把至元初稱為九姓羅氏黨蛮夷長官千戶國初改

九姓長官司編戶五里

初宣撫奢效忠名其妻曰世統妾曰世續而無子取親枝崇禮者撫之萬曆十九年世續鳩崇禮據印自官又養水西安克臣妻弟阿利為子世統爭之兵連禍結且二十餘年後以崇禮之弟崇明嗣其官追印畀之而印寔為安克臣携之鎮雄矣三十五年都司僉書張神武質世續于庭而印不可得遂拘繫之惡目閩宗傳等請兵水西來襲永寧城中有備不得志而移禍于摩尼普市二所焚劫殆盡摩普乃屬黔省怨蜀甚而大中丞喬公惡克臣之党惡也動大兵以驅之詳見鎮雄下蘭局

亦從此結矣

卷終

郡國利病書卷七十

上川東道

義遵道開府夜郎與總戎同城而居近以建南有事大
 將軍移鎮以遊擊一員代其他村官將領各有差歲抽
 通者民兵五千名歛其食餉而已說者謂蕩平既久當
 以播供播勿煩內地為也然盈庭不決則任事之難耳
 漢書南夷居長以十數夜郎最大在蜀候徼外其國臨
 牂牁江、廣數里出番禺城下按戰國時楚頃襄王將
 莊躄從沅水伐夜郎君至且蘭採船牂牁處乃改其名
 夜郎國因留王滇池以且蘭有採船牂牁處乃改其名
 為牂牁牂牁繫船筏也武帝時使唐蒙通夜郎國于是

以夜郎旁小邑立犍為郡戍轉相饑數歲士罷餓離暑
濕死者甚衆西南夷又數反發兵興擊耗費無功帝患
之使公孫弘往視問焉還言其不便乃且罷獨置南夷
兩縣一都慰元狩元年張騰言使大夏時見蜀布邛竹
杖問所從來曰從東南身毒國可數千里得蜀賈人市
或聞邛西可二千里有身毒國於是乃令王然于柏始
昌等間出西南夷往身毒國至滇道皆為昆明所閉莫
能通身毒及南越反上使發南夷兵且蘭君小邑乃與其
衆反漢巴蜀校尉擊破之遂平南夷為牂牁郡夜郎始
倚南越南越滅惡恐懼遂入朝封為夜郎王昭帝始元

元年牂牁談指同並等二十四邑凡三萬餘人皆反遣
水衡部尉發蜀郡犍為兵擊牂牁大破之後始繒葉榆
人復反鈎町侯亾波率其人擊之有功漢立亾波為鈎
町王至成帝和平中夜郎王興鈎町王禹漏卧侯俞更
舉兵相攻牂牁太守請發兵誅興等漢以道遠不可擊
遣大中大夫張匡持節和解並不從杜欽說王鳳曰匡
使和解蠻夷王侯不從不憚國威其效不可見恐議者
懼悞復守和解太守察動靜有蠻廼以聞如此則復曠
時王侯復牧獵其衆中國其謀亮党助衆各不勝忿必
相殄滅自知罪成犯守慰遠藏暑濕毒艸之地雖有孫

君國和病書
吳將賁育士若入水火姓必焦沒智勇無所設施屯田
子之費不可勝量宜因其罪惡未成不疑國家加誅陰
勅旁郡守尉練士馬大司農先調穀積要害處選任職
太守往以秋涼時入誅其王侯尤不軌者即以為不毛
之地凶用之人信不勞中國宜罷郡放棄其人絕其王
侯勿復通如以先帝所立累世之功不可隳壞亦因宜
其萌芽早斷絕之及已成形然後興師則萬姓被害矣
風于是荐陳立為牂牁太守至牂牁乃送吏數十人出
行縣召興：將數千人往立數賁因斷興頭出曉其衆
皆釋兵降興子邪務收餘兵迫脇旁二十二邑反立又

擊平之

華陽國志元鼎二年開牂牁郡屬縣十七戶六萬及晉
屬縣四戶五千而已公孫述時三蜀大姓龍傳尹董氏
與牂牁功曹謝暹保郡聞世祖在河北使：由番禺江
出朝貢世嘉世之號為義郎按遵義之名始此方輿云
遵義軍俗以射獵伐山為業信巫鬼重謠祝好詛盟外
癡內黠安土重舊凡交易刻木為書契結繩以為數其
祭點能言語屈服種人者謂之耆老其婚姻以銅器粘
刀弩矢為礼其燕樂以銅鑼鼓橫笛歌舞為樂其所居
無城池之固架木為閣聯竹為壁開窓出箭以備不虞出

入備刀弩自衛至與華人交易畧無侵犯有禮義之風
凡賓客聚會酋長乃以漢為貴其民端龐淳固以耕殖
為業天資忠順悉慕慕華風云

寰宇記云西南諸夷漢牂牁郡地唐置費珍莊琰播郎
牂夷等州城播州之名始此其地北距充州百五十里東
距辰州二千四百里南距交州千五百里西距昆明九
百里無城郭散居村落土勢多霖雨稻粟皆再熟無徭
役隋大業末首領謝龍羽據其地勝兵數萬人四夷述
云牂牁蠻姓謝氏舊臣中國世為本土牧守隋末大亂
遂絕唐武德二年其首領謝龍羽遣使朝貢授牂牁刺

史封夜郎公勝兵戰士數萬於是列其地為牂州屬黔
中羈縻後為正郡

寰宇記云牂州轄三縣曰建安即州理曰賓化曰新興
其地與播州同唐書武德二年立充州因是置播牂等
郡梁氏十道志云開元初猶有此郡後之郡國記錄乃
無此名寰宇又云充州牂牁都尉居之縣有梓潼底水
思王思諭歷代史云充州在牂州北百十里開元二十
五年其酋趙君道來朝王建僭偽不通中國首領王姓
龍方張石羅而龍氏最大後唐天成二年牂牁清州刺
史宋朝化等來朝其後孟知祥據西川復不通乾德三

年平孟昶五年知西南夷南寧州蕃落使龍彥瑫等遂
來貢詔授彥瑫歸德將軍南寧州刺史蕃落使開寶四
年彥瑫卒子漢塘嗣詔襲父職太平興國五年夷王龍
瓊瑭遣子并諸州蠻七百人四十四人以方物名馬來
貢雍熙二年夷王龍漢瑞自稱權南寧州事兼蕃落使
遣牂牁諸州酋長來獻方物名馬并上蜀孟氏所給符
印授漢璿歸德將軍南寧州刺史其後龍王龍漢龍
漢璿相繼遣使貢方物授漢璿寧遠大將軍封化王
景德四年西南蠻羅籠井都指揮使顏六龍等來貢土
龍種落避阻未朝今始至詔館餼賜予如高溪

播州志云唐末南詔陷播州太原人楊端應募復之遂
有其地四傳至楊昭無子維時宋益州刺史楊延昭之
子克使廣西與昭通譜以其子貴遷後之從狄青南征
楊文廣即延昭之孫也在播州者傳者壑而益大監乃
其裔云

四夷述云東謝蠻渠帥姓謝氏南蠻別種在黔州之西
數百里地方千里有酋長即謝元深也其一族不能女
自云高姓不可下嫁唐貞觀三年元深入朝寇烏熊皮
冠若今之旄頭以金絡額披毛帔韋皮行膝而着履時
中書侍郎顏師古奏言昔周武王天下太平遠國歸款太

史乃集其事為王會篇今萬國未朝至如此輩章服寔可羞焉今請撰王會書詔從之開其地為應州隸黔州都督府南謝首領謝強與西謝蠻隣接與元深俱來朝拜為南壽州刺史後改為莊州刺史其地宜五穀無文字刻木為契散則山谷倚樹為巢居無賦稅之事皆自為生業刀劍不離其身男女椎髻以維束之後蠻向下寇熊皮披猛獸革南接守宮獠西連夷子北至白蠻按南壽州即分牂牁所者或云楚威王時有莊躄將甲士二萬人入牂牁故取莊為州名開元十道記有此郡額後之志錄并廢元領縣八皆貞觀以來相次建置永徽

以後併省其名曰石牛南陽輕水多樂、安石城新安
賓化

四夷述又云西趙蠻在東謝之南并南蠻別種其界山洞深阻莫知里數南北十八日行東西二十三日行趙氏代為酋長者萬餘尹自古不臣中國唐貞觀三年遣使來朝至二十一年于此置明州其地東至夷子西至昆明南至西洱河土俗與東謝同唐史貞元十三年西南蕃大首領正議大夫檢校蠻州長史繼襲蠻州刺史資陽郡開國公宗鼎左石大首領朝散大夫前檢校邛州刺史謝汕右大首領繼襲緝蠻州巴江縣令宗萬傳

界首子弟大首領朝散大夫祥柯錄事參軍謝文經黔
 中經界招計觀察使王礎奏前件刺史建中三年一度
 未朝賀貢方物自後不令隨例入朝今年懇訴稱与祥
 柯同被敎教獨此排擯自慚恥謹隨祥柯等朝賀伏乞
 特賜優諭兼同祥柯刺史等授官其祥柯蛮兩州戶口
 殷盛人力强大鄰側諸蕃悉皆敬憚請比二州每三年
 一度朝賀仍依祥柯例輪遠還差定以才幹位望為象
 所推者克之勅旨宋鼎已改官訖餘並依奏

寰宇記云唐時黔州都督府管播州下五十三州曰南
 寧州本清溪鎮唐末置在黔州西南二十九日行從南

寧州至羅殿王部落八日行與雲南接界曰克州曰琰
 州曰捷州曰莊州曰明州曰祥州曰矩州曰清州凡九
 州每年朝貢曰柯州襲州峩州蛮州邠州鶴州芳州義
 州福州鼓州儒州焉州令州邠州普寧州總州邠州勳
 州功州敦州侯州晃州茂龍州整州懸州樂善州契州
 添州延州雙城州訓州鄉州撫水州思原州逸州殷州
 南平州盧州姜州稜州鴻州和武州暉州亮州凡四十
 四州洞內羈縻而已

土夷攷云東至偏橋衛南至養龍坑楚黔二省界西至
 瀘州合江縣北至重慶綦江縣俱川省界比今之播州

也明兵楊鑑率衆歸附以其地為播州宣慰司授鑑宣慰使領播州餘慶白泥容山真州重安六長官司州堂黃平甕水三安撫司自鑑至相十世矣嘉靖十七年楊相父子爭職議相不敢入播客死水西萬曆元年楊應龍襲職即相之子也世有逆德應龍淫殺無忌初王平州堂白泥餘慶重安五司凡承襲表箋須宣慰司印文乃達往、索賄無厭此霧端所由起又其地有七姓之民應龍寄以腹心七姓又藉龍為奇貨糜費金錢累巨萬久之龍覺其欺乃稍、收其權遂交讐怨七姓叩閭鳴冤且反噬龍矣應龍娶妻張氏失寵其族弟端龍聘

田氏應龍強委禽焉萬曆十五年張氏生子方弥月與應龍在室共語族弟繼龍偶入戶遁去應龍見而詰之田氏曰妾非張何例視我應龍怒曰我不殺此奴今效尤耶乃立殺張首併剮張之母等張閭族奏應龍殺妻併妻母兄弟等命下川貴勘處應龍初亦抗拒不出已聞議撫乃俛首出聽勘、龍革任罰贖金四萬免死會朝鮮告急應龍計以征倭贖前愆朝廷可其奏遂得解網然疑畏日甚進退維谷二十三年應龍子以贖金未完死俞州獄中應龍親率蠻兵駟僧千餘至發喪二十六年托猷大木所遇無不殘滅朝議應龍雖經勘問皆

務姑息非鎮押蠻夷之策于是 天子赫然震怒命將
興師大集三省之兵猛將謀臣星聚雲合而又特遣總
制侍郎邢玠以臨之貴州支可大撫湖廣江鐸撫偏橋
李化龍總督川貴湖廣之師會軍重慶府二十七年正
月進兵六月初六日破海龍囤二十一日俘入重慶死
于途事平剖播為二四川遵議義府屬三縣一州貴州
平越府屬四縣一州改流設官詳平播全書中
土夷攷又云播州長官司治附郭長官王姓其地左抵
永安驛右抵海龍囤間雜楊氏腹姓播事訖長官王積
祿甘為應龍死党亦其勢不得不尔今多屬遵義縣夷

漢民各半

餘慶長官司在司南百六十里元至正間毛崑從宣慰
楊加禎征蠻有功授校慰本部長官後改為餘慶州俾
毛氏世為土知州本朝仍為長官司其地接連播州七
牌苗民左抵涓潭右抵雍水上達烏江下至岑黃于播
最近楊氏不靖毛匪寧守焉蕩平後改餘慶縣屬貴州
平越府

白泥長官司在司東南三百里宋景定中楊萬從征入
播蠻有功授白泥長官元改為泥州本朝復改長官司
其地上抵草塘下抵偏橋鎮遠帶其左黃平列其右土

田潤饒士馬强健寔甲諸司与楊氏不睦七姓之一大也

容山長官司在司東三百二十里長官張姓其地界湖貴間于八司中獨為外服溪山荒曠土田鹵瘠中國商販不到其人以射獵為姓以劫殺為業自嘉靖間為臻洞苗所殘破數十年來民夷遠放土田荒蕪長官不能治也旧有湄潭駟蕩平後改為湄潭縣属貴州平越府真州長官司今改真安州詳見名勝

重安長官司在司東南四百里宋元黃平府地國初頭目張佛保招撫苗蛮有功授正長官馮鐸從宣撫楊鑑

征麻哈有功授副長官多生苗去播最遠原属王平故知有王平不知有播經圖其地東至宣化司北界至楊義司界各二十里南至凱里司界十里西至清平縣界五里

草塘安撫司在司東二百二十里介甕水黃平之間其地環江上饒裕頗有華風宋咸淳間有南雲貴者商賈入滇因邊警投楊宣慰邦憲為頭目元世祖時雲貴孫邦佐有戰功授都勻軍民府知府始有草塘地國初宋顯威從楊鑑歸附改授安撫其地東至黃平司椒溪暖水界西高平甕水二司界南至平越衛界北至播州楊

梅浪于界

黃平安撫司在司東南三百里曰為黃平府寔楊鎮子孫世守之元世祖時黃平蠻叛楊宣慰漢英討平其將羅季明功多遂以土授羅氏改隸播州洪武初羅鏞從楊鑑歸附授黃平安撫其地廣饒險固有城垣足據扼雲貴之門戶為諸司之襟帶蓋西南一要境曰設通判一員總轄諸司又設千戶所駐劄司城聽通判調用城中夷漢雜處昔楊酉不道首為難者也其地東至湖廣偏橋衛五十里西至貴州平越衛南至清平衛各三十里北至白泥司界百五十里蕩平改黃平州

甕水安撫司在司東一百二十里宋紹興間開設長官猶姓景定中進士猶道明播人蓋其族也洪武初猶恭歸附按安撫密通于播亦與楊酋交惡其地東至播西牌界二十里西至黃灘關十五里南至水西界二十里北至麻子水界二十里蕩平改甕安縣屬平越府

南平 平茶 邑梅 酉陽

史記高帝為漢王發夷人還代三秦之地既定乃遣還已中復其渠帥羅朴答鄂度夕龔七姓不輸祖稅餘戶乃歲入錢口四十宋史渝州蠻者古板楯七姓蠻唐之南平獠也其地西南接烏蠻昆明哥蠻大小播州部族

數十居之治平中熟夷李光吉梁秀等三族據其地各有衆數千家間以威勢脅誘漢戶有不從者屠之沒入土田往、投克客戶謂之納身稅賦皆里胥代償藏匿亡命教以徒偽為生獠劫掠邊民官軍追捕輒遁去習以為常密賂黠民覘守令動靜稍築城堡繕器甲遠近患之熙寧三年轉運使孫固判官張說使兵馬使馮儀弁簡杜安行圖之以禍福開諭曰進兵復賓化砦平蕩三族以其地賦民凡得租三萬五千石絲綿一萬六千兩以賓化砦為龍化縣隸涪州建榮懿扶歡兩砦其外銅佛壩者隸渝州南州縣地皆膏腴自光吉等平他部

族據有之朝廷曰補其土人王才進克巡檢委之控扼才進死部族無所統數出盜邊朝廷命熊奉討平之建為南平軍以渝州南北川部涪州隆化隸焉

渝州志云黔涪徼外有西南夷部漢牂牁郡唐南寧州牂牁昆明東謝南謝西趙克州諸蠻相為聯屬宋初以來有龍蕃方蕃石蕃羅蕃張蕃者號五姓蕃皆常奉職貢受爵命治平四年十二月知靜蠻軍蕃洛使守天聖大王龍異閣等入見詔以異閣為武寧將軍其屬二百四十一人各授將軍及郎將熙寧元年有方吳玘三年有張漢具各以方物來獻授吳玘靜蠻軍漢具捍蠻軍

並節度使六年龍蕃羅蕃石蕃方蕃八百九十人入覲
貢丹砂毡馬賜袍帶錢帛有差其後比歲繼來龍蕃象
至四百人往返萬里神宗憫其勤詔五姓蕃五歲聽一
貢人有定數無輒增及別立首領以息公私之擾命宋
敏求編次諸國貢奉錄客省四方館撰儀皆著為式元
豐中張蕃乞添貢奉人至三百詔不許故事以七十人
為額不許七年西南陳蕃乞貢方物願依五姓蕃例注
籍從之元祐二年西南石蕃石以定寺齋表自称西平
州武聖軍禮部言元豐著令以五年一貢為限今年限
未及詔特令入貢五年八年紹聖四年龍蕃皆貢方物

龍代于諸姓為最大其貢奉尤頻數使者但衣布袍至
假伶人之衣入見蓋寔貧陋所冀者恩賞而已元符二
年又有年為蕃入貢詔以進奉人韋公夏、市公利等
為即將諸蕃部族數十獨五姓最著程氏韋氏比附五
姓號西南七蕃云

酉陽宣撫司

隋圖經集語云黔中是武陵郡酉陽地按漢酉陽在今
溪州大鄉界與黔州約相去千餘里今之三亭縣西百
九十餘里別有酉陽城乃劉蜀所置非漢之酉陽也貞
觀地志云劉蜀所置酉陽為漢酉陽蓋誤認漢涪陵之

地也

寰宇記云酉陽古蠻夷地春秋屬楚地秦昭王取之隸黔中郡漢以酉陽縣地置武陵郡尋置牂牁郡吳分置黔陽郡隋以縣屬巴東郡唐武德初徙縣治務川四年招慰司冉安昌以務川當牂牁要路須置郡以撫之復於縣理置務州領務川涪川扶陽三縣至貞觀元年以廢夷州之伏遠寧夷思義高富明陽丹川六縣廢思州之丹陽城樂感化思王多田五縣來屬其年省思義明陽丹川五縣二年又省丹陽一縣四年改務州為思州以界內思邛水為名其年以涪川扶陽二縣八年又以

多田城陽二縣俱割入費州又廢感化縣十年又以高富縣割入黔州十一年又省伏遠縣但令務川思王寧夷王縣開元四年又以州東立思邛縣二十五年割寧夷縣屬夷州天寶元年改為寧夷郡乾元二年復為思州黃巢之亂酉陽蠻叛駙馬丹人才征之有功留守其地五代時中國無主丹氏遂據之按志宋政和六年復于務州縣置思州領縣三酉陽隸焉復陞為州知州冉守忠善于撫字酉人懷之元季冉氏世知本州明玉珍僭據以酉陽州為沿邊溪洞軍民宣慰司國朝洪武初冉如彪納土歸附仍為酉陽州後陞為酉陽宣撫司令

丹氏子孫世襲領石耶洞長官司永樂中改隸重慶府
建立學校俾漸華習三年入勤十年大造略比諸郡縣
志云司西北百八十里酉陽山入黔江縣界郡國志云
小酉山入龍標界即王昌齡謫處也水經志云酉水北
岸有黔陽縣許慎曰溫水南入黔蓋鼈水以下津流注
之通稱故縣受名焉西鄉溪口在選陵縣故城上五十
里在合酉水酉水又東際其故城北又東逕酉陽故縣
南而東出也兩縣相去水道可四百許里于酉陽合志
云司東南九十里三江山江源出酉陽与二小溪會合
平茶水東注辰州大江 其地廣袤七百里東至保靖

宣撫司界西至彭水縣界南至平茶長官司及思南沿
河界各三百里北至大田軍民千戶所界四百里雲思
南之要衛按荆湘之邊境山磳且深易為憑借古號難
治人分三種曰犵獠曰丹家曰南容暖則捕獵山林寒
則散處巖穴借貸以剗木為契婚姻則累世為親編戶
十三里其屬有九溪十八洞蠻惟是九江後溪西南一
帶近為鎮草苗殘破境土日削莫克恢復常告急于我
馬

石耶長官司酉陽屬地也先朝自宋楊昌安者竊據其地
昌安大原楊業之裔宣和間征伐有功蠻人畏服曰世

為石耶土知府洪武初楊金龍歸附改立長官司設長官二員皆楊氏世職別設流官吏目一員主其租稅附庸酉陽覲貢不親至京師人織班布以為衣佩長而捕獵編戶二里鎮蠻洞而帶五湖連黔彭而接荆楚東至石凱子界西至平茶司界南至邑梅沙子凹北至酉陽石開國與鎮草苗密迤地勢孤懸不減于二酉也志云石耶人呼石版為巴壩治南一里巴壩山言此山多版石也又二里有石崖土人呼為密那厓下有洞世傳有道人修行其中每以餅餌獻遊者在洞中猶見熟麪持出洞外則石矣

平茶長官司

秦屬黔中郡三國屬吳為黔陽縣地隋屬巴東郡唐武德初屬思州天寶間屬寧夷郡五代陷于番宋政和間始得其地置平茶洞元初改溶江芝子平茶等處長官司隸思州安撫司以其地授楊大雷為土知府洪武間楊抵剛歸附改授長官司隸酉陽宣撫後改隸渝州覲貢賦稅大畧與酉陽同編戶三里所屬有五種夷言語侏儻性好捕獵火坑煨穀野麻緝布巫禱治病歌唱送殯號為南容其地廣袤一百二十里東至石耶長官司界一十里西至貴州烏羅長官司界一十里南至洞

仁府界一百里北至酉陽宣撫司界五十里以二酉為藩籬石耶為襟帶也

志云治南諸葛洞相傳武侯征九溪蠻住宿洞中石床存焉又云侯于洞中以一握粟秣馬化為石粟至今神之西三十里白歲山高聳插天土人言此山白則有年積雪為白也山之水一流入東南名哨溪以溪聲如鳴哨一流入西南為漏溪以其水常溢不流治北有秀山丹崖翠壁望如西國土夷攷所謂地多秀山聳插翠雲者矣其人驍悍善戰萬曆初年馬湖之後長官楊光祖之功為多

邑梅長官司

宋末太原楊光甫據其地元改為拂鄉以楊氏為土知府明玉珍僭據改為邑梅沿邊洞軍民府洪武初楊金奉歸附立為長官司編戶五里初隸酉陽永樂初改隸渝州其地廣九十里袤三百三十里東至湖鎮溪千戶所界七十里西至貴州烏羅長官司界二十里南至平頭著可長官司界一百里北至酉陽宣撫司界一百三十里其人語異蠻音衣穿班布用木浪漕為白而春稻梁瀝苦蒿水代鹽而鮓宿肉婚姻以牛隻為尋疾病以巫祝為醫競私閉昧公羨雖有勇敢徒以階乱然一

能禁草苗之蚕食也

志云司西南六里之壽山林木叢茂屹立層漢蒼烟翠
靄四時不凋東三里黃牛山相傳土官楊四舟高殿始
自烏過此見土地膏吏宜耕稼曰推黃牛以享家故名
司南八百里有韭山昔人遺韭於山顛曰蕃衍生韭長
丈餘四時皆有土民採食之西北二十里凱歌河行者
至此必謳而渡俗呼凱過河：千有凱子寨焉

郡國利病書卷七十一

下川東道

石碓宣撫司

秦屬黔中郡漢置牂牁郡晉析為夜郎郡寰宇記夜郎
郡有且蘭縣漢武時使發南夷兵征南越且蘭不從乃
反漢發巴蜀校尉擊破之遂平南夷以為牂牁郡樂史
註云及涪州之義衆也郡彼周於石碓地置郡施州唐
改為清江郡方輿勝覽施州東晉末桓元誕竄太陽蠻
中築城臨施水號施王城子姓襲王至後周保定初平
之以其地置施州而清江郡隸為州乃施王之餘址故
以為名尋改為亭州又改為庸州又為清江郡恭帝復

置施州土夷攷唐改施州為清江郡宋改清江為南賓
縣按武德二年分浦州武寧縣西界置南賓縣屬忠州
也今武寧今改巡檢司在司北百里外

志云司東東北百四十里有山形如張蓋俗曰石涼傘
即石幢之說也按寰宇記牂牁有建安縣漢牂牁郡也
有高連石門四十九頭木瓜諸山有古牂牁郡城華陽
國志云牂牁郡上當天井故多雨潦今有古城在郡西
即漢天復之時所保于此有石潼關華陽國志云且蘭縣
西南有地名石潼關柱蒲關漢書云牂牁郡有柱蒲
關石砦之名本此

志云司治南百五十里大峯門山兩崖壁立中通行人
有古壘按方輿勝覽東門山在歌羅寨西北五十里東
即夜郎故地古未夷夏分界入貢之門戶也又云竹王
祠在歌羅寨西北五十里東門山崇寧間賜靈惠廟額歌
羅寨本夜郎縣唐置珍州乾德四年蠻酋珍州刺史田
景遷內附土納以酋江為界自是酋江以北所謂夜郎
縣故地盡入施州矣竹王即夜郎候也

勝覽又云施州驛北有馬公泉未詳志云司西北二百
里外有馬頭山：頂有馬黃廟祠馬伏波黃山谷處蓋
山谷入黔州安置取道施州故人纂而祠之 其封域

東至黔江縣界二百里外西至鄧都縣界南至武陵縣界各百七十里至忠州界百二十里編戶三里其民悍而好聞兵馬稱雖強間有所調遣輒踴躍赴趨輿地紀勝云施之地雖雜夷落猶近華風故鄉者則蠻夷巴漢言語相混其山岡砂石不通牛梨惟伐木燒畬以種五穀隆冬可單盛夏可袂矣

方輿攷云施州蠻者夔路徼外獫夷蓋唐彭水蠻也咸平中施蠻嘗入寇詔以益與之且許其以粟轉易蠻大悅自是不為邊患後因飢又以金銀倍寔值質于官易粟官不能禁熙寧六年詔施州蠻以金銀質者倍寔

值如七年不贖則變易之著為令能本經制溝井事蠻酋田現等內附施黔北近蠻子弟精悍戰聞趨捷朝廷嘗團結為義勝軍其後瀘州海井石井泉蠻叛皆獲其用夢溪筆談忠萬間夷人祥符中嘗寇掠邊臣苟務懷求使人招其酋長祿之以券粟自後有效而為之者不得已又以券招之其間紛爭者至有自陳若某人終殺掠若干人遂得一券我凡殺兵民數倍之多豈得亦以一券見給互相計較為寇甚者則受多券熙寧中會之前後凡給四百餘券子孫相承世世不絕因其為盜志誅鋤之罷其舊券一切不與自是夷人畏服不敢犯寨

渝州志云宋景定中蠻酋大蟲馬什用同向士壁率師大敗元兵繼平九溪洞夷授鎮國上將軍領銅牌鈇印石砭安撫司大使世守其土元改石砭軍民府尋陞安撫使司後以生夷作亂為定席什因獲受賞改陞石砭宣撫使司明玉珍僭據特為先納牌印授石柱按撫司國朝洪武七年克復安撫使馬克用出降次年陞石柱宣撫管轄土民世襲隸重慶嘉靖四十二年改隸夔州土夷攷云施州忠路安撫司本石砭馬氏姻戚因爭邊界搆殺不休蓋馬氏內不和于妻子外不睦于族人讐讐殺訐奏動尋干戈非一日矣近又與其同知陳思虞訐

奏繫夔獄中未結

經畧志云重夔二府所轄播酋石砭等土司及黔江武隆彭水忠涪建始奉節巫山雲萬等十州縣皆稱閩徼與湖廣施州衛所轄散毛施南唐崖忠路忠建忠孝容美等土司之地鷄唱鳴相聞犬牙交制宏治元年于達州設兵備副使統轄重夔黔江等地及湖廣瞿塘施州等衛所正德間藍縣作亂調各土司征剿因而覘知蜀道險易居民村落不時出沒行劫施衛官旗貪其子女財帛之遺相與表裡為奸違例婚媾故諸夷得逞焉嘉靖十年于黔江千戶所散毛宣撫司中界設立老鷹等

三關五堡二十年州湖會題設九永守備官一員于施
衛駐劄俾其為東西者徼土夷司川湖守巡得昏節制
北史後周恭帝二年巴西人焦淹扇動群蠻以附梁蠻
師向鎮侯向白虎等應之向五子王又攻陷信州田鳥
度田唐等抄斷江路文子榮復據荊州之攻陽郡自稱
仁州刺史并隣州刺史蒲微亦舉兵逆命詔田宏賀若
敷潘和李遷哲等討之破周武成初文州蠻叛州軍討
之之尋向再令賢向五子王等又攻陷白帝殺開府楊
長華遂相率作亂前後遣開府元契趙剛等總兵土司
雖頗翦其族類而元惡未除天和元年詔開府陸騰督

王亮司馬裔等討之騰水陸俱進次于湯口先遣喻之
而令賢方增浚城池嚴設扞禦遣其長子西梨次子南
王領其支屬于江南險要之地置立十城遠結岑陽蠻
為其聲援令賢率其卒固守水邏城騰乃摠集將帥謀
進趨咸欲先取水邏然後經畧江南騰言于眾曰令賢
內恃水邏金湯之險外託岑陽輔車之援魚復資糧充
寔器械精新以我懸軍攻其巖壘脫一戰不克更成其
氣不如頓軍湯口先取江南剪其毛羽然後進軍水邏
此制勝之計也眾皆然之乃遣開府王亮率眾渡江旬
日攻拔其城凶党奔散獲賊帥冉承公并生口三千人

降其部衆一千戶遂簡募驍勇數道分攻水邏路迳石壁城險峻四面壁立故以名焉惟有一小路緣梯而上蠻蠻以為峭絕非兵衆所行騰披甲先登衆軍繼進備經蠻艱阻累日乃得舊路且騰先任隆州總管雅知其路蠻帥冉伯梨冉安西與令賢有隙騰乃招誘伯梨等結為父子又步遺錢帛伯梨等悅遂為向导水邏側又有石勝城者亦是險阻要令賢使其兄龍真據之騰又密告龍真云若平水邏使其代令賢處之龍真大悅遣其子詣騰乃厚加禮接賜以金帛蠻貪利既深仍請立效乃謂騰曰欲翻所據城恐人力寡少騰許以三百兵

助之既而遣人二千人銜枚夜進龍真力不能禦遂平石勝城晨至水邏蠻衆大潰斬首萬餘級令賢遁走而獲之司馬裔又別下其二十餘城獲蠻帥并三公等騰乃積其骸骨于水邏城側以為京觀後蠻蠻望見輒大哭自此狼戾之心輟矣時向五子王據石墨城令其子寶勝據雙城水邏平後頓遣諭之而五子王猶不從命騰又遣王亮屯宰坪司馬裔屯雙城以蜀之騰慮雙城孤峭攻未可拔若委城遁散又難追討乃令諸軍週圍立寨柵遏其走路賊乃大散于是縱兵擊破之擒五子王于石墨獲寶勝于雙城悉斬請向首領生擒萬餘口

信州舊居白帝騰東于劉備故宫城南八陣之北臨江岸築城移置信州又以巫縣信陵神歸並築城置防以為襟帶為天和六年蠻渠冉祖熹冉龍驤又反詔大將軍趙闇討平之自此蠻群惧息不復為寇

川北

板楯蠻

華陽國志秦昭襄王時白虎為害自秦蜀巴漢患之秦王乃重募國中有能殺虎者邑萬家金帛稱之於是夷朐腮瘳仲藥何射虎秦精等乃作白竹弩於高樓上射中頭三箭白虎常從群虎瞋恚盡搏煞羣虎大响而死秦王嘉之曰虎歷四郡害千二百人一朝患除功莫大焉欲王嫌其夷人乃刻石為盟要服夷人頃田不租十妻不算傷人者論殺人者死錢盟曰秦犯夷輸黃龍玉一隻夷犯秦輸清酒一鍾夷人安之漢興與

閔中范目從高祖定秦有功高祖因復之專以射白虎
為事戶歲出寶錢口四十故世號白虎復夷曰板楯蠻
今所謂弱頭虎子者也順桓之世板楯數叛大守蜀郡
趙溫恩信降服於是宕渠出九穗之禾胸臆有連理之
木光和二板楯復叛攻害三蜀漢中州郡連年苦之
遣御史中丞蕭瑗督益州兵討之連年不克天子欲大出
軍時征役疲敝問益州計曹攷以計畧益州計曹掾程
包對曰板楯七姓以射白虎為業立功先漢本為義臣
民復除徭役但出寶錢口歲四十其人勇敢能戰昔羗
數入漢中郡縣破壞不絕若綫復得板楯未虜彌盡辨

為神兵羗人畏忌傳語種草勿復南行後建寧二年羗
復入漢牧守邊復賴板楯破之若微板楯則蜀漢之
民為左衽矣前車騎將軍馮緄南征雖授丹陽精兵亦
倚板楯近益州之亂朱龜以并涼劾卒討伐無功太守
李顯以板楯之忠功如此本無叛心長吏鄉亭更賦至
重僕役過于奴隸箠楚隆于內虜至乃嫁妻賣子或自
到割陳亮寬州郡牧守不理云闕廷遙遠不能自問舍
怒呼天叩心窮谷愁於賦役困于刑酷邑役相聚以致
叛戾非有深謀至計僭號不軌但選明能牧守益其資
穀安便賞慕從其利隙自然安集不煩征伐也昔中郎

將尹就伐羗搖動益都百姓謗云虜來尚可尹將殺我就徵還後羗自破退如臣愚見權之遣軍不如任之州郡天子從之遣太守曹謙宣詔降赦一朝清戢按此蠻北道巴渠間常有之

寰宇記云漢末天下亂自巴西之宕渠遷于漢中楊車坂抄掠行旅號為楊車巴魏武克漢中李時祖將五百家歸之魏武又遷於洛陽北復號之為巴氏也

後漢書云板楯蠻其在黔中五溪長沙間則為槃弧之後其在峽中巴渠間則為廩君之後按杜光庭錄異記李時字玄休廩君之後昔武落鍾離山崩有石穴二所

一赤如丹一黑如漆有人出於赤穴者名務相姓巴氏有出於黑穴者凡四姓曝皦氏焚氏柏氏鄭氏五姓偕出爭長於是務相約以劔刺穴能著者為廩君四姓莫著而務相之劍懸焉又以上為船雕画之而浮水中約曰其船浮者為廩君務相船又獨浮于是遂稱廩君乘其土船將其徒卒當夷水而下至於益陽益水神女子止廩君曰此魚益野有地又廣大與君俱生可止無行廩君曰我當為君求廩地不能止也益神夜就廩君宿旦輒去為飛虫諸神皆從其飛蔽日廩君欲殺之不可別又不知天地東西如此者十日廩君即以青縷遺益神

曰嬰此宜之與汝俱生不宜將去汝益神受而嬰之廩君至碣石上望膺有青縷者跪而射之中益神益神死群神與俱飛者皆去天乃開玄廩君復乘土船下及夷城夷城石岸曲泉水亦曲望之如穴狀廩君嘆曰我從穴中出今又入此奈何岸即為崩廣三丈餘階級相承廩君登之岸上有平石長五尺方一丈廩君休其上投策計算皆著石焉因立城其傍而居之其後種類遂繁秦并天下以為黔中郡薄賦歛之歲出錢四十萬巴人呼賦為寶因謂之寶人也王維送李梓州詩寶女輸撞布本此獠蓋南蠻之別種初出自梁邑之間自漢中達

於邛笮川洞之間所在多有俗多不辨姓氏又無名號往推一酋帥為主亦名不能遠相統攝父死則子繼若中國之貴族也獠王各有鼓角一隻使其子弟自吹擊之按蜀本無獠李勢時諸獠始出巴西渠川廣漢陽安資中捷為梓潼山谷間十餘萬落攻破郡縣為益州大患自桓元子破蜀之後力不能制又蜀人東流山險之地多空獠遂挾山傍谷與夏人叅居近者頗輸租賦其在深山者仍不為編戶至梁武帝梁益二州歲伐獠以自裨潤公私頗藉為利後魏正始初梁將夏侯道遷舉漢中附魏遣尚書邢蠻蠻為梁益二州刺史以鎮

之其後以梁益二州控捭險遠乃設巴州以統諸獠後以巴酋帥嚴始興為刺史又立隆城鎮管獠二十萬戶所謂北獠是也歲輸租布魏明帝孝昌中據城叛梁益二州遣將討之攻陷巴州執始興斬之後梁益入梁自此又屬梁矣後周武帝平梁益之後令所在撫慰其與華人雜居者亦頗從賦役然天性暴亂放致擾每歲命隨近州鎮出兵討之獲其人以充賤隸謂之壓獠焉復有商旅往來亦資以為貨公卿逮于民庶之家有獠口者多矣然其種類滋蔓保據岩壑依林走險若履平地性又無知殆同禽獸諸夷之中最難以道義招懷者也

依樹積木以居其上名曰干欄干欄大小隨其家口之數好相殺害多仇怨不敢遠行性同禽獸至於忿怨父子不相避惟手有兵刃者先殺之若殺其父走避於外求得一狗謝其母然後敢歸母得狗謝不復嫌恨若報怨相攻擊必殺而食之遞相劫掠不避親戚賣猪狗而已亡失兒女一哭便止親戚比隣指授相賣被賣者啼叫不服逃竄避之乃將買人捕逐若亡叛獲便縛之但絀縛者即服為賤隸不敢更稱良矣執盾持矛不識弓矢用竹為簧群聚鼓之以為音節能為細布色至鮮淨大狗一頭買一生口性尤畏鬼所殺之人美鬚髯者必

君臣和氣書卷二十一
剥其面皮籠之於竹及燥號之曰鬼鼓舞祀之以求福
利尚淫祀至有賣其昆季妻孥盡者乃自賣以供祭焉
鑄銅為器大口寬腹名曰銅甕甚薄且輕易于熟食
酉陽雜俎獠婦七月生子死則堅棺埋之木耳夷舊牢
西好鹿角為器其死則屈而燒之埋耳後骨小類人黑
如漆小寒則梧沙自處但出其面為 博物志曰蜀中
本無獠晉末李雄之亂山谷洞中攘 而出轉 漸大
自為夫婦而益多夫土乾則生蚕地溫濕則生蛟積穀
則生蠹腐肉則生蛆 化為蠅 又自生蛆 又自生
蠅豈有窮乎

卷終

